





空明先生全集序

先生樂道君子也上自秦漢下至六朝晉魏  
無不口誦心識探其源流故發爲詩歌涵之  
水於河出之無意如取火於燧施之有度如從木於繩  
行有規而步有矩如範金於函而挺土於陶其詩已浸  
淫乎漢魏不屑與後之人比聲絜調至傳記諸體大言  
炎炎偉哉經世之文則韓潮蘇海足以當之夫韓非波  
瀾之謂潮蘇非汪洋之謂海昔昌黎力起衰敝不遇於  
時而遷之潮子瞻志在匡救不容於世而徙之海由是  
浩瀚無涯之意得自縱於高天厚地之外以寫其所欲  
言故歷境竒而文益竒先生處坦然之境爲文亦竒者



心胷無所不有目空天地而有得於道深也且夫文以見道先生之於文可謂閎中而肆外矣在易畜之象曰君子以懿文德又曰君子多識前言往行以畜其德德者道之本樂道者君子之事讀先生之詩文無不知先生爲樂道君子也蓋惟先生能以道自重吾黨因誦其文而言其樂道如是學晚生鍾吳來拜草

空明集題辭

火雲駮日燔炎天烝炊窟室愁彎跼百家堆案昏莫省忽有清氣空中旋迫視迺得空明集入手恂怳神忸忸空明之名久震耳未見著述猶疑然開卷疾讀數十版犖犖大指頗窺研搏桑昇旭燭萬彙滄溟捲浪輸百川太虛顥氣自回斡包羅巨細滋蕃鮮壯如駿馬怒騰踏幽如媯鳥嗁纏綿密如純錦細組織朗如分野區星躔賈胡寶肆無不有欲取眩掉空遷延古今作者亦輩出或得其一遺其全分疆畫界保殘缺漢晉唐宋尋戈鋌奇哉空明能混一魄力鼓盪忘拘牽乃知文筆貴勇敢昌黎所歎言非偏長哦洛誦忘暑暘赫曦倏隊西山巔



狂嗙七字書卷尾勿嫌汚損藏書編

寓齋苦熱得

空明先生集讀之率題長句即呈

教正

海上晚生朱之樸拜稿

叅訂諸子 自康熙甲寅年起至康熙庚子年止中間請益者甚多不及備載

同學先後進姓氏

王光承 玠右松江

陸慶臻 集生青浦

計南陽 子山婁縣

沈白 天庸上洋

朱崑 品方松江

吳光睿 念廬茸城

貢琛 雲蒼毘陵

董德其 瞻岷嘉定

施麟瑞 苕谷練川

潘衫黼 春江上海

田茂遇 鬲淵青浦

吳騏 日千華亭

沈楫 弘濟婁村

符兆昌 匡世浙江

趙炎 雙白福建

吳三省 旦清谷水

陳嘉璧 石城華亭

俞楷 楠亭泰州





狂嗟七字書卷尾勿嫌污損藏書編

寓齋苦熱得

空明先生集讀之率題長句即呈

教正

海上晚生朱之樸拜稿

參訂諸子

自康熙甲寅年起至康熙庚子年止中間請益者甚多不及備載

同學先後進姓氏



王光承

玠右松江

潘衫黼

春江上海

陸慶臻

集生青浦

田茂遇

鬲淵青浦

計南陽

于山婁縣

吳騏

日千華亭

沈白

天庸上洋

沈楫

弘濟婁村

朱崑

品方松江

符兆昌

匡世浙江

吳光睿

念廬茸城

趙炎

雙白福建

貢琛

雲蒼毘陵

吳三省

旦清谷水

董德其

瞻岷嘉定

陳嘉璧

石城華亭

施麟瑞

苕谷練川

俞楷

楠亭泰州



金維寧 德藩婁村

錢守中 遠亭吳江

錢栢齡 介維青浦

儲大文 六雅宜興

王 鑄 虛亭上海

沈世求 方陶松陵

鈕 滄 星濤崇明

華希閔 豫原無錫

曹鑑臨 熙如華亭

吳本周 岐源高淳

倪典學 茂苑山陽

焦袁熹 廣期婁縣

洪力行 秋田新安

陳于堂 適仙維揚

楊嵩年 蘭陵安慶

趙 和 柳介華亭

唐時琳 宸枚上洋

潘謙光 蓉城蘇州

顧之珩 湘九古婁

顧成天 良哉上海

楊孝元 介公晉陵

朱奕恂 公季長洲

陳言章 含美谷陽

江日安 又安旌德

邵曾訓 秉彛梁溪

唐德咸 佑一崑山

楊大綸 右丞錫山

李如泌 節珊五茸

懷鼎吉 鏡渟長谷

鍾吳來 豫凡谷水

朱吳驤 北才申浦

凌顧榮 采南金山

李肇夏 西聞虬江

王 澄 印川筠溪

岑 巘 青岩南陽

朱 稔 秉士桐溪

陳 禎 麟書曲港

季 駿 克紹南村

儲思淳 定伯荆溪

吳文煒 赤霞徽州

鈕 僅 少叔崇川

章德驥 良遠婁村

門人姓氏



黃熊徵 如九瀛州

劉萃乾 君一長沙

李杜詩 晚聯崇明

吳洽 雨洲東洲

陸璋 輝崖華亭

宋渭 翊周東海

邵之鵬 上九無錫

顧瑞麟 以德練川

倪藩 文九仙景

沈偉 景韓吳縣

宋斗山 又韓古瀛

楊遠 乾初堡鎮

吳鈞 克先龍沙

沈三鶴 溧山崇川

朱文霑 雨蒼新安

沈佶 既閑洪勳

宋渤 王谷姑蘇

唐奕琦 蘊奇崑山

宋智 覺亭瀛海

楊潮觀 志萬梁溪

同宗先後進

若義 帶三婁村

錫懌 弘軒上洋

守 子毅華亭

鏌 蓬園滄瀆

永申 月峯上海

雲章 樸村嘉定

鍾岳 翰申宜興

京鑑 建安茸城

異姓至戚姓氏

姪婿 吳文炎 勤庵大興

表姪 周燹 策銘婁村

淵懿 硯銘青浦

彥之 洮侯雲間

永澄 梅岩谷水

豫章 寄亭青浦

永銓 賓門申江

御衣 鐵岡壽春

榮源 子素松江

曷 長史金山

宋延樸 文樞華亭

陸龍文 雲章上海



甥 蔡錫蕃 麗明松江

趙 翰 雲垂金山

婿 戴 宣 晴江新安

本宗同祖父兄弟子姪

兄 集 曼園

茶 補三

弟 棻 蘇山

果 退谷

維煦 和叔

梁 奕山

姪 崇 南映

勳 書竹

應龍 魯亭

師實 介山

煜 昊霑

煜 伊章

照 得天

夢徵 鶴來

男 兆熊 延年六齡校字

姪孫 光堉 雲耕

續刊叅訂姓氏

王 原 西亭青浦

劉昆潛 直响江西

郭嗣齡 引年揚州

孫 鉉 思九青溪

周大璋 筆峰桐城

馮祚泰 粹中滁州

胡 淙 無波紹興

唐聲傳 廷一申江

陸 柱 石公華亭

潘淑旂 觀章滬城

李九章 芳谷金山

朱 霞 初晴婁村

朱之樸 東邨海上

徐翊欽 諤一華亭

馮敦忠 晚吾西村

周 鼎 軒三婁縣

姚弘啓 藥巖華亭

王世樞 斗初練川

童元焯 瑩川上海

朱 柱 國士古婁



陳璜 潛人金山

蔣培穀 詒久松江

王延年 介着錢塘

姚廷謙 平山華亭

蔡隱修 景正谷水

趙宏烈 潤川茸城

印光任 黼昌吳淞

陸大經 用正崇川

周孫錦 念哉嘉定

滕鑑周 思兼槎溪

空明子全集總目 通共一千一百卅頁

第一冊 共八十一頁

參訂姓氏四頁

總目四頁

張序二頁

錢序二頁

焦題詞一頁

自序二頁

詩目錄十八頁

樂府十五頁

五言古詩十六頁

七言古詩十七頁

第二冊 共六十二頁

五言絕句九頁

七言絕句十八頁

五言律詩十四頁

七言律詩二十一頁

第三冊 共六十七頁



七言律詩二十頁  
七言律詩二十頁

七言律詩二十六頁  
李跋一頁

第四冊 共七十四頁

李序一頁  
符序二頁

文目錄一頁  
文集上卷二十五頁

文集下卷三十一頁  
雜錄目錄一頁

雜錄十頁  
朱後序二頁

鍾後序一頁

第五冊 共六十五頁

李序二頁  
吳序一頁

俞題詞一頁  
懷題詞一頁

詩目錄九頁  
四言古詩五頁

五言古詩十頁  
七言古詩十一頁

五言絕句八頁  
七言絕句九頁

五言律詩八頁

第六冊 共七十一頁

七言律詩十八頁  
七言律詩十八頁

文目錄三頁  
文一卷十七頁

文二卷十五頁

第七冊 共七十一頁

文三卷十八頁  
文四卷十八頁

文五卷十六頁  
文六卷十七頁



王跋一頁

張後序一頁

第八冊 共七十三頁

李詩餘題詞一頁

詩餘目錄二頁

詩餘上卷十五頁

詩餘下卷十九頁

朱後序一頁

季後序一頁

附華氏挹青軒稿

挹青軒序二頁

目錄三頁

詩十頁

詩餘十四頁

自怡錄四頁

空明子後序一頁

第九冊 共六十二頁

張題詞一頁

陳題詞一頁

張序二頁

顧題詞三頁

陸題辭一頁

詩目錄十二頁

五言古詩十頁

七言古詩十三頁

五言絕句九頁

七言絕句十頁

第十冊 共六十四頁

五言律詩九頁

七言律詩十八頁

七言律詩十八頁

七言律詩十九頁

第十一冊 共七十八頁

文目錄一頁

文上卷二十五頁

文下卷二十五頁

雜錄目錄二頁

雜錄二十三頁

焦顧題詞二頁



第十二冊 共八十頁

李序二頁

凌序二頁

茸城賦註二十九頁

張後序一頁

附崇川節孝錄

自序一頁

吳序二頁

貞女傳三頁

節婦上卷七頁

節婦下卷十三頁

已故節婦一卷二頁

外縣節婦一卷二頁

獨行錄一卷三頁

沈後序二頁

楊手奏二頁

崇川歸里贈言七頁

輿情公祝一頁

顧題辭一頁

第十三冊 共六十四頁

王沈徐三序六頁

詩目錄十二頁

四言古詩五頁

五言古詩八頁

七言古詩十五頁

五言絕句七頁

七言絕句十一頁

第十四冊 共六十三頁

五言律詩七頁

七言律詩二十頁

七言律詩二十頁

諸子贈言十六頁

第十五冊 共七十三頁

文目錄一頁

文上卷二十二頁

文下卷二十二頁

燕居筆記二十八頁



第十六冊

共七十五頁

偶吟雜稿詩四頁

雜錄目錄二頁

雜錄四十一頁

清河私志十五頁

附補刊亡兒允諧年譜

年譜三頁

哀挽諸君姓氏一頁

朱傳二頁

顧誄二頁

挽章跋語五頁

空明子詩集序

空明子居雲間與予同姓年少於予呼余為兄先是數年之其家見之知其志甚高趣甚遠其學進而不已又知其能詩而未之見也今年三月余復過之聽其言亶亶乎仁義之途將居之由之以懲世趨而返之正其於處家經國之宜講之既熟行且守其道而不變也余為歛衽者久之蓋余之所能言者止此而空明子皆先我而昭昭矣如是雖其文詞之未盡工余方欽挹之不暇而况其為詩古今之體累千萬言屢出而屢驚余乎夫其得之天者有超軼之姿取之學者無運用之迹時而青蓮則跌宕橫逸時而昌谷則奇恣詰屈時而樂天則



從容諷道曲暢敷陳時而義山致堯則又柔情綽約藻  
彩綺麗要皆一發於情之不容已才之所必達未嘗規  
規於形模如脫槩而出之所以卒成其為空明子之詩  
也其曰空明子者蓋以為不空則不明不明則不能自  
鑒以鑒物不能自鑒則已之善惡混不能鑒物則人之  
善惡尤混昏昏擾擾何以為作詩之端原又何以別其  
體裁辨其聲律畢照其妍媸巧拙也哉空明子之心猶  
鏡之不受塵也水之不受撓也處貴盛之族非唯不溺  
於利慾晚而律身益嚴待人益恕以禮防範其宗人歸  
然為鄉邦之矜式焉蓋其同祖兄弟十一人兄弟之子  
若干人自少宰公顯貴以來迄今次第登朝及接踵科

第者復六七人空明子皆贈以言而望之以賢人君子  
德成而名立者懇懇而切至至自教其子則年十五六  
有聖童之目而天一旦奪之其哭之以詩雖不免感激  
怨懟卒能抑情而制之以禮嗟乎嗟乎如空明子者詩  
不患其無傳子不患其無繼是年十月果得一子弟不  
知天將老其才以有用耶抑竟委而置之不問耶此余  
之不能無感者故因論其詩而并及之空明子名榮字  
景桓為之序者嘉定宗人樸村子雲章康熙五十三年  
季夏日也



空明先生詩集序

甚矣哉余於空明子之爲詩而益歎詩本性情爲道所寓非徒藝文之末已也世之爲詩者孰不思追踪古人極意慕倣於是殫精苦吟辨其家數究其指歸務擬議以成變化謂必如是以爲詩庶幾其有得空明子讀破萬卷胸羅三才夫豈不能出此顧其爲詩則若無意於爲之者然無意於爲之而往往有專務爲之者所不能道抑獨何歟空明子若曰吾詩也乎哉吾志也吾以言吾志而猶及步趨成蹊乎哉彼漢魏六朝四唐兩宋之人亦不過自言其志耳豈亦有所則倣乎哉其平昔持論若是以天機流露日異月新興會所觸聲律隨之



於遊覽則有詩於讌集則有詩於酬贈則有詩於感今懷古則有詩於柔情燕婉則有詩於悲悼哀傷則有詩其間如漢魏之樸雅六朝之明秀唐韓杜之深厚韋柳之清蒼西崑諸公之豔冶以及宋歐梅之高潔蘇長公之奔逸而自然蓋無乎不有而要不得以一家名之此空明子之爲詩適自其空明中得來非下根人可思議其以空明自號而卽以空明名其集有以也嘗謂人惟患不能空空則未有不明者此儒者之虛靈異於禪宗之寂滅老氏所云虛其心實其腹亦正此意以此言詩道乎藝乎當必有辨之者矣時當盛夏炎熇困人空明子謬謂余知詩而以其集惠讀讀之而涼生肘後亦頓

覺心地湛然咄哉空明不且引人入勝哉余雖不知詩而有以知空明子之爲詩不可僅以詩求之也因述鄙見如此而贅數言以歸之試問空明子其亦以余爲知言也夫澗涓錢柏齡識



空明集題辭

詞賦居然二陸流山川清淑繼前修琳琅觸手欣開卷  
玄晏高文在上頭

誠知滄海難為水底事今朝嚇殺儂一寸蹄涔渾醮辱  
不堪隨例與朝宗

愛從碧海掣鯨魚大手驚才實起予天物由來不可暴  
細微抉摘義何如

一生襟抱含風月縱有微辭莫謾詆羅襪錦鞵情種在  
是身擦得陶泥犁

滿架牙籤問欲磨五車讀盡鬼猶憎道人虛室能生白  
一點空明是上藥

集中有書稱寬一條今用其語意



絕憐錦瑟爛年華陽焱生涯劇可嗟句法心王期三復  
夢中江管是空花

空明先生以大集惠教賦六截句報之錄呈卽政南浦  
晚生焦袁熹拜艸

空明子自序

古人云太上立德其次立功立言又次之雖然立言烏  
足道哉憶予童時攻苦十年得咯血疾幾至不起後病  
痊補弟子員隨例入場辛酉科文已入彀爲有力者擠  
排遂置落卷然自安義命初無怨尤又數年影響寂然  
自愧學力未充求之已者益切旣而接見大人先生望  
之儼然其胸中必有迥異乎尋常者予默然侍坐不敢  
措一辭因聽其言其言如是閱其文其文如是觀其行  
其行又如是不覺爽然自失曰宜乎我輩之終貧且賤  
也嗣後雖奔走名場者又二十年然此時已絕進取之  
志矣顧我有言終不以告人我有文終不以示人我有



行終不求知于人謝絕交游杜門守拙無如所遇益困  
所遭益苦差喜任道頗力百折不回除讀十三經廿一  
史外凡秦漢以下諸子文集遍覓披覽以消磨歲月暇  
則握管著述共得古文雜作六百餘首詩三萬餘首詩  
餘一千五百餘首歌謠三百餘首四書經文三千餘首  
甲午年偶爲檢出託故人子朱式士爲我俱付祖龍僅  
存三十分之一適漢瞻兄號樸村到舍極爲激賞力贊授  
梓逡巡未果乙未春漢瞻被召史館特來促之者至  
再不得已付之梨棗撫心自問無論文辭之未能工卽  
工矣又何益之有况年近六旬江花日落所愧者德有  
未立行有未修此則予之所爲兢兢黽勉者也康熙五

十五年丙申首春上元日空明子自題於拳石山房



空明子詩集目錄

卷一樂府

出門行

俠客行

田家詞

君馬黃

對酒

長歌行

行路難

烏夜啼

三月歌

結交行

夫遠征

憶遠曲

織婦詞

禍福相倚曲

臨高臺

木蘭歌

江南曲

折楊柳



落花落

悲哉行

短歌行

少年行

古別離

門有車馬客

放歌行

烏棲曲

長相思

相逢行

妾薄命

有所思

今別離

娼婦行

息交行

村社堂辭

游仙曲

兩曜歌

苦寒行

羅漢松歌

登樓歌懷俞廣文先生

將進酒

卷二五言古詩

擬古

花生日篇

寶林菴風雨

寒食歌

登斗母閣望潘氏樂壽堂湖山有作

元夕

郊行

咏諸葛武侯

春閨夜月

隱居

和陶飲酒二首

雜感

秋成風雨歎

雜詩

小齋即席得秀字

謝亦山齋即席得樹字

贈慕庭大兄

贈芳園二兄

贈蓋修三先兄



贈雅臨四兄

贈端宸五先兄

自贈

贈齊軾七弟

贈茹英八弟

贈退谷九弟

贈和叔十弟

贈奕山十一弟

示壩兒

毒熱

訪友

哭壩兒

決絕詞

喪予篇

節哀

憶亡兒

接茹英八弟家報

獨坐

答八弟書兼道鄙意

閉戶

對月

集姚欽六家山堂丙舍

舟中念兆熊

玩月

自嘲

虎丘作

醉後吟

吳閭懷古

狂吟

過佘山

遊周氏園亭

濟川

和俞楠亭謝僚友餉紫薑黃雀原韻

芙蓉閣小飲對花述懷

月下對芙蓉

吳淞江舟次

冬蘭行

卷三七言古詩

附五言排律八首

七言排律一首

贈上洋曹先生

春江引祝潘春江壽

小赤壁歌

送書行



醉贈酒顛

月牙池種菜老僧歌

贈練川甘生

醉歌行

春日訪愚山上人

九峰煙雨

留侯歌

雲墳歌

德安變

答悔亭牡丹篇

清明日經徐御史墓

答杲山大師

悼子

懊惱篇

亡兒見道頗早得夫子朝聞夕死之義爰作是詩

招魂二首

題振秀堂壁

出世想

次朱秉士西賓留別韻

題沈瑤田梅花小照

十月十八日見龍挂

山塘夜泊

棲隱

守寂

庭前木芙蓉

人為貴

放言

和俞楠亭復雪原韻

柳埕秋月

招隱

樂道

泛舟卽事

蟋蟀

五色鳳僊花

南映姪新居後復建倉房落成志喜

秋日小金山對月

九日偕同社諸子泛泖因登橫雲山暨小赤壁

卷四五言絕句

附六言絕句五首



游仙詩二首

夢中作八首

謁先祖贈少宰鄉賢從周公祠

看南柯劇有感

坐隱

晚遊僧院

客館

秋閨

侍家嚴東臯公作

九日十首

謁先伯父筠齋公祠

拜先叔父有芑公墓

送曼園大兄還朝

春日寶林菴作八首

丙子南映姪南闈報捷

綠字十首

壬午和叔奕山同榜

塞上曲

江邊獨立

丙戌南映補戶部員外

寒字十首

丁亥八弟補刑部主政

過吳江二首

戊子巳丑得天姪聯捷

庚寅南映姪之任桂林

夏日雜咏四首

贈普姪孫

癸巳開科昊霑姪報捷

送姪壻吳麟章還朝

接表姪周策銘手札

癸巳會試奕山弟中式

渡吳淞江二首

送魯亭姪入都應試

歸舟二首

贈介山姪

甲午鶴來姪北闈報捷

十月十三日作

得子日作

入祠拜先伯母先母作

贈伊章姪

三巧三首

贈孟昭姪

立志



結廬

望江

贈陳映璿甥

對荷花

看浮萍有感

醉遊

月上

把盞

卷五七言絕句

月下論文

春日

池上有悟

葑門晚泊

鄧尉梅

光福望月

靈巖偶得一截句

放鶴亭

千尺雪

法螺菴

天平山

秋日拈上平十五韻

冬日拈下平十五韻

宮詞

江邊有感

小山看桂二首

歲朝偶題

憂旱詞五首

枯坐二首

小齋即席得芝字二首

依成齋即席得玉字

馬上口占

雜感十首

杏花下四首

舟行四首

春服

否花

柳枝詞二首

渡江

土孩

舟次雨中望佘山

一春



把釣

郊外

玉蘭花

牡丹無花志感

無題二首

桃花

小齋

江頭

四十

餘生

西湖別

峰泖怨壬午年作

花下口占

對酒有感

愁

可憐

有感

九弟將築別業五首

咏茉莉花二首

朝杏二首

子既喪子後忽來不入耳之言因作一絕應之

互人國以白玉為城鬼不敢入有感而作

黃父以鬼為飯

宗定伯賣鬼

人鬼相觸

黎丘鬼

不及四首

海棠

牡丹

虎丘八月十三夜步月

憶四郎

登玉峰

和陸星聚豆腐詩

尋春

半塘舟中戲贈包孝廉

姑蘇城中

虎丘後山作

人間樂

見黑鬚重出作

纔見

七夕詞

七拙詩七首



和俞楠亭署中苦雨坐蕉園韻二首

和俞楠亭八月風潮庭前芭蕉楚楚可憐五首

自悔

嘲蠹魚

卷六五言律詩 附六言律詩四首

日出

訪古木堂禪師不值

月下再過月牙池

八月朔泛舟八曲

重陽後泛舟峰泖間

戲用溪西雞齊啼五韻

挽家帶三先生

馮御史墓

偶步

春分

花朝

謁邑廟

過積善寺

過春申江

重過春申江

訪杲如師

晚眺

簡盛晉人

寧國寺

道士

過韋馱菴

過清河菴

夜泊周浦塘

和朱品方拈花菴卽事

詠虞美人花二首

初登海塘晚眺三首

碧湘施校書

吾廬四首

舟中

石埭道中

當暑

步四兄避暑原韻三首

湖上作

春日

唯亭

次楊下人潛籟軒韻



登太湖莫釐峰作

姚欽六齋宴集得山字

登佘山

題春風玉樹閣

春日

詠陳朝雙檜

春色

美人汲井

當暑小飲三首

舟中

江南好

綠牡丹

卽事

庭桂

松風

自傷

獨坐桂樹下

當暑二首

燈下

讀史有感

螢火

山徑荷花

小赤壁

橫雲閒眺

返棹訪王道人

次姚渭公韻五首

春郊同岑青岳散步

渡浦

江上梅花

過青浦

大水歎二首

送表姪陸雲章遊楚

聽琴

和岑青岳一雨作

放榜後爲陸輝崖賦

題家廣陵小照

真如大寺

浮雲

舟過崑山

鍾賈山雜感

早發吳門

玉峰

把釣

詩窮



和俞楠亭暑中舟行樸樹灣過王氏山莊韻

和詠楠亭韻

和俞楠亭看菊

兆熊期歲偶筆

消暑

刺艇

參道

自得

卷七七言律詩

春興六首

西湖次陳含美韻八首

白燕

先祖崇祀鄉賢

詠大將戲限同音五字

贈懷鏡淳

雨中蘭藥並放

丹鳳樓遠眺

月下望海

黃蛺蝶

贈性肩錢鍊師

贈高純一道士

贈錢樂山道人

微香閣

端陽後舟發秀州塘

舟次北新關戲題

登湖心亭

謁岳武穆祠

段家橋步至十錦塘

武林歸棹

煙雨樓

偶成

次朱萼江見寄原韻

將有白門之行漫賦

瓶荷限韻二首

同陳石城高文越小飲

梅花

案頭桃花

訪王玠右

懷沈弘濟

貧女吟為吳日千賦

懷田孝廉



贈宗兄洮侯

花生日夢俞日如作

花朝憶董瞻祀

同沈騶士會飲賦贈

喜接柳介含美敘話

敝裘

舊履

漫興同陳麟書賦二首

梅花

卽席次畫菜原韻十首

九弟留飲賦得紫牡丹次悔亭韻

立夏前舟過九峰道中 渡金鷄湖

吳淞江晚泊有感 寒山弔趙凡夫

華山亭子 登蓮花峰

天平山謁范丞相祠 望靈巖

月下泊半塘 坐千人石

遇豔

弔徐立齋先生

訪練川沈天庸於九蓮精舍忽動尋梅之興

訪陳含美吟室 訪蔣漢襄

郊行 閒感

月牙池 繡毬花

蜀葵 次世修舊咏原韻四首

漫成 晦夜訪計子山讀書處

憶練川符匡世 寄上洋盛晉人

贈沈遠照 贈趙二火

贈蔣旦宅 贈吳念廬

贈程鍊師 雨中宴集



九日宴集二首

丁丑歲暮雜感七首

齋前新植花木十首

嘉平望夜

示堽子用香山西湖韻

抱燕兒用香山味道韻

哀吟

贈友

憶金星槎

卷八七言律詩

花前卽席限韻

過三天竺

遊東塢朱買臣墓

春郊偶步有感

見白鴨

登元妙觀彌羅閣

支硎山

望震澤

趙屯橋

普惠橋漫興

燕

午日

姚渭公見訪擬卽往答索閱詩稿

喜與翁馭臣坐話

賦送慕庭大兄北上

賦送芳園二兄

結廬

夜坐

放言十首

愁坐

小除夕三首

寄盛晉人

希聖

除夕

元旦

許九尊舅痘殤

人日

柳湖春濤

咏雪美女

山茶

唐春江見招不赴賦謝



自詠二首

幽居

教兒

上元日喜晴

招陳吟室小飲

閒吟

春日閒吟

課兒有感二首

郊望

呈端臣姻家兼寄含美

戲為疊字體

閨怨五首

雨中承許端臣訂賞海棠有感而作

咏海棠花

赴端臣宴後復惠海棠

自歎

初秋夜坐四首

自傷

小女病殤四首

喜接諸同人小飲二首

上元夜登樓

步訪岑待詔復領小酌兼聽竹鷄歸而漫賦

戲為青岩家鳳池作

江上作

九峰積雪

梅

哭許端臣姻家

隣家劣犬

再哭端臣

玉蝶梅

見金犢

閒步

紅梅

綠萼梅

用穎川事贈含美

對客書懷

散步

獨坐

竹鷄

杏花

擬村居二首

九峰積雪



公子家

無題八首

春色

愁落梅

草蘭

過古墓

坐愁

送朱奇輝入京

訪陳舍美不遇

見落梅

雨後晨起見梅花無恙

憶橫雲梅花

卷九七言律詩

貴公子二首

隋堤

偶題

梅殘

半生

即景十首

懷賓門宗兄

吟室賞綠萼梅三首

乍晴

申浦阻風

浦南獨步

雨窗寄鏡溇

書懷

見桃花二首

泛艇

新燕

贈趙柳介

招二火柳介鏡溇二首

贈問俗亭上人

綠牡丹

即景

牡丹乍試一花四首

歲暮有感四首

十一日喜晴

立春前一日

春愁

索居

春宵花下口占

長歌當哭

花生日



夏日偶書

獨坐賦貧士吟

對雨

期客至

卧餘

夜坐苦雨

荷花

贈樸村大兄

題含美令祖先生吟室

憶得

無題六首

即事

漫興

和朱秉士客樓寓目作

雨窗同趙柳介夜話

當暑

對梅花

海棠

春遊有感

春分日

渡浦

同友人郊行

尋春

海棠花

上巳日誕辰諸同人挾女郎偕至漫賦

海棠

宿醒

偶題

山行座有雲仙校書

謝依成齋中賞牡丹

苦雨

東同人

敝履

女紅

問字

禮佛

酣睡

曉窗

妝成

折花

中酒

夢中神女

畫上美人



舟行雜感二首

經故居作

扶七弟柩至佘山四首

將葬內弟吳赤霞作

寄盛悔亭

白杜鵑花

泛艇

湖上

春陰

對花

杏花

寒食日吳淞江晚泊

贈唐餘年

卷十七言律詩

和柳介人日穀日二首

馭臣以蘭花見贈賦謝

阱虎歎

步冬日牡丹原韻三首

先壟新建丙舍併植松柏修石梁事竣瞻拜有作

贈岑青岩

贈懷世修二首

次顧旁臬韻

悼亡兒壘四首

內子吳孺人五十誕辰

招魂

顧旁臬贈詩期亡兒復來因祖其意以為之二首

達生

夜坐四首

次隱能上人韻

次陳含美韻

和芳池自策兩禪師仲冬遊橫雲山聯句原韻

和岑青岩韻

浮生

送青岩遊包山

讀旁臬嶺南梅花集句

聽梵

元旦

立春日

同人見訪留飲紅毛酒



飲紅毛酒後一日作

自怡

夜起獨坐

江上

閒吟

咏紅毛酒

舟行三首

愁坐

歸家見海棠盛開

為仁

郊行

對酒

醉眠

閏上巳五十初度二首

同內子小飲

諭徐妾

和叔奕山兩弟共成贍族之舉喜而賦此

札寄都門弟姪屬以贍族事有作

過西園訪和叔弟

客以文正見許愧謝

登細林山

即事

客有以持籌握算文章伯說鬼談天道義人見贈

者因成一噓書此奉酬

青溪道中

曉行

過玉峰

吳門即事

中秋前二夜同諸子登虎丘作

舟中題白鷗

贈陳含美

隱公以菱見餉賦謝

中秋夜登城樓

九日同諸子飲菱村齋

接茹英南映贍族報章

丁亥戊子連喪二子書此自慰兼以自嘲四首

葬貞孝王節婦

憶亡友百繡六



和桃源山莊詩二首

贈侯來英二首

閱王玠右贈先君壽言

和友人一片秋

挽趙柳介

挽朱秉士

渡鴛湖登煙雨樓

無題十首

萬妾有弄璋之兆志喜

贈內兼述懷

淚

笑

趙雪舫大甥念我年老無聊屢承見顧笑譚彌日

相契最深漫賦

無題

女史阿文經年濶別相對愴然感而賦此

靜女吟為陸星聚賦

贈李次鄴

和樸村渡柳見懷作

香櫟四首

生子偶筆二首

答吳滄雪朱會萬賀章

懷惠白上人

賦謝南映姪彌月稱慶

小齋喜共書竹與能渭占淑洙四姪及雲耕姪孫

閒敘有作

贈道士

訪於子來姻家不值

和俞楠亭癸巳閏五韻

和俞楠亭之任雲間時值午節因官舍湫隘家眷

不能久留韻

佛手柑

抱兒時忽見腮下新長黑鬚志喜

諭妾萬氏

戲贈人參二首

酬鍾豫凡賀章

和蔣漢襄自壽詩

謝奕山弟賜兆熊冠履

樂道



新排十卷詩成寄陳含美李次鄴懷鏡淳

去歲甲午予年五十有六始得一男今乙未冬忽

聞瓜期漸近自笑頭白齒豁豈堪復作問世之

想但期抱子花間以咏歌太平足矣漫賦

劍津本係從子今繼歸高陽幼妹為嗣於我又有

甥舅之分矣作此勉之

答和李次鄴贈言原韻四首

答和鍾豫凡贈言原韻二首

朱耕方枉顧不值

自題四首

空明子詩集卷之一

練川兄樸村先生選

華亭張

榮景桓著

出門行

男兒豈合一無成擔簦躡屩酬平生禹跡茫茫未易徧  
搔首問天天不應丈夫出門無所戀出門未肯淚如霰  
縱有好花付東風怨粉愁紅顏色變人生自有真樂處  
豈羨雙棲梁上燕北走漁陽南走越非是飄零類花片  
開襟清風拂我懷賦成不勞狗監薦江海纔能當墨池  
五岳只堪磨作硯奇文何必六書外但恨古人不我見  
嗚呼出門酌酒向空奠出門不與羣雄戰願逢世外學  
道人時對青山好顏面



空明子詩集卷之一  
一  
結交行

聖人有大道貴在立志貞潔身處塵世詎敢誇獨醒  
道屈節苟富貴寧甘白首一無成人亦易老結交不  
貴早門外狂風生青黃倏枯草但當對酒終日歌我輩  
真狂未易多清談不惜竟日坐仰視泰岱高峩峩世間  
麒麟豈數見千里負重輸橐駝

俠客行

古來大俠重名節縱有陰謀秘不泄此身親在未許人  
豈是保身學明哲固却千金非市名親死此情那忍絕  
出門仗劍報知己刺殺上卿如撲蠅賊人不惜還自屠  
灑盡平生一腔血丈夫詎肯藏頭尾累及旁人豈豪傑

仰天大呼屋瓦裂日色蒼黃水嗚咽賢哉姊氏真偉人  
向使貪生誰與雪山川萬古有推移高義遙遙終不滅  
丈夫作事懼不成事成又貴隱姓名切勿臨事徒草草  
身後又致瓜蔓生七首誤摘燕丹死令人千載羞荆卿

夫遠征

執手未忍別束髮從遠征一自結襦來寒暑疊變更匪  
不懷所私睠焉欲涕零丈夫同鹿豕何以酬平生絲絲  
白髮堂上親呱呱黃口懷內嬰俯仰之間如永訣淚染  
征衣變成血人生會合能幾時月不長圓長就缺煩言  
只恐傷姑心幾度欲言未敢說馬鳴蕭蕭風淅淅不是  
生離是死別我父從遠征經今廿餘載我兄從遠征而



今復誰在同是遠征人能不貽後悔僕御爲我催親串  
不我罪但惜夫遠征三口將母餒游絲網落花門外春  
如海衰草斷遙山黃沙迷古壘翡翠減輝光鴛鴦戢文  
彩孤燈守房闈花枝羞蓓蕾膏沐豈爲容殘妝若有待  
龜勉念同心夢短魂驚駭遠征不必萬里外出門便覺  
顏色改

田家詞

天時不可必農事真勞瘁前歲少有秋相率望明歲舊  
歲又無成朝夕暗隨淚念彼東作興大有或可異于耜  
及舉趾豈敢論難易桔槔聲斷續刈穫無終怠炎風熱  
蒸骨毒霧酸侵鼻夏日聚蚊雷冬天典絮被終歲拮据  
且卒瘁不得婦子謀一醉前年賣女輸官租今歲無兒  
賣老特寒風蕭蕭入我屋甑欲生塵心轉悸繩牀半破  
兒夜啼輾轉通宵不能寐無田可耕且奈何身死又恐  
妻孥累豈無一日食萬錢問天茫茫竟何意積欠舊逋  
無可償朴責但憑執法吏入城造次問行人明日傳聞  
恩詔至

憶遠曲

東風脉脉來何遠門外落花春曉晚朝來女伴約踏青  
陌上花開歸緩緩良人結髮上河梁陡覺深閨別恨長  
古道馬蹄薄暮倦白沙浩浩悲風涼一從別後音問疎  
屋梁落月黯自傷女牆深夜聞烏啼銀缸無燭照空牀



錦被徒堆金翡翠羅帷不捲繡鴛鴦挑燈無語且開卷  
對卷茫茫含淚眼淚流洗面隔遠人九轉迴腸何計遣  
凝眸旦晚望歸來灼灼花枝未敢剪

君馬黃

君馬黃我徒步相逢未敢輕迴顧驀裏如龍誇絕羣一  
鞭搖動珊瑚樹柳葉裝成七寶鞍踏徧杏園噴紅霧追  
風逐電不驚香幾度探花芳草渡驕嘶射獵若騰空紫  
燕桃花俱退步長驅金埒試新秋曾走章臺憐薄暮一  
朝上阪值霜濃與君蹉跌同朝露自憐徒步仍泰然黃  
乎黃乎豈足數

織婦詞

織婦織綃何日已獨向窓前私自語夏日織綃汗浹膚  
冬日織綃僵十指良人遠出不卽歸織出鴛鴦淚如雨  
舅姑堂上飫肥甘小姑房中厭羅綺梭梭織出許多愁  
絲絲愁緒縈心裏一人織綃供幾人一人性命能餘幾  
縱有寶釵不上髻一天風月涼於水人生年少有幾時  
嬌紅嫩綠當窓倚驚雷怒雨無停晷哭殺荒園桃共李  
韶顏皓齒度虛日自憐命薄差堪擬東家女兒看小姑  
花枝滿頭雙鳳履一段嬌癡看織綃笑看機頭顏色美  
小姑不解意模糊嫌道朝來織不多那知連年因水旱  
石壕長吏急追呼千絲萬縷忙織就織罷賣綃償官租  
形容枯槁弗復道誰能知我心如良人良人可奈何



又說明年嫁小姑

對酒

日月能有幾天地亦劫灰對酒不肯飲徒爲達者哀富貴非所慕浮名何有哉我性本耿介羞與噲等儕惟有數君子惠然獨肯來矢口勿談朝與市陶然一醉樂千杯知己久弗作形迹醕酤何必待花開蓬徑草深門不掩分題刻燭攄仙才上之堪與杜康李白結勝友豈藉玉堂金馬相追陪且痛飲莫疑猜一息不存卽夜臺請看南山北山堆白骨土花零落飛塵埃

禍福相倚曲

古來將相鮮令終飛鳥盡後藏良弓吁嗟白起數十戰

拓疆開宇誇英雄一朝不覺君心變賜死杜郵飲此劍對劍拜恩問使者丈夫性命何其賤使言將軍弗復論君王此舉實少恩仰天拊膺請追憶長平坑過無限人

長歌行

九嶷五嶽點青螺三江四海瀉白波曷不飲此白波饌此青螺但恨來日苦無多天地亦有缺陷處雙丸跳躍如擲梭青春倏忽衰蒲柳白駒駸駸隙中過嗚呼哀哉可奈何急急進此金叵羅小草豈乏向榮處笑彼附喬之女蘿一石一斗醉顏酡奈何無奈且長歌

臨高臺

臨高臺高臺盤盤何崔嵬五步一曲折十步一紆迴登



空明子詩集卷之一  
五  
高發長嘯淚落不勝哀豈無甲第入雲中豈無車馬轟  
如雷豈無貂蟬屬後塵豈無金紫相追陪一朝時移兼  
勢改九棘三槐斂精彩建牙忽屬上將軍演武堂前大  
於海金鞍寶馬得得來知是侯門舊僚窠沿溪緣岸插  
桃柳吹徧東風經幾載非必子孫果不賢此中自有真  
主宰已矣乎君不見紛紛城南遊冶子昨日失足隋泥  
塗又不見北邙山上松梢月至今夜夜聞啼烏我生茫  
茫大塊間曷不終日長醉伴樵蘇開襟脫幘坐臺上鳳  
嘯鸞吟屬酒徒

行路難

君不見六朝佳麗多宮闕變作寒煙浸殘月又不見五

陵衣馬結交新只今陌上剩飛塵人生出處會有因切  
弗虛此七尺身落花滿地鋪錦茵漉酒何妨取葛巾度  
此三萬六千春方與造化同無垠豈必矯情甘長貧庶  
幾樂志全我真非不欲南渡錢塘歷廣閩但恐含沙水  
弩多射人非不欲北走齊趙遊燕秦但恐山深虎豹藏  
荆榛請看名利場中年少子蜉蝣之羽差自喜却似東  
風催桃李幾人能障東流水

木蘭歌

木蘭花倚墻東屈曲天矯如游龍直訝玉山當窻見何  
來瓊樹發春風庭內芝蘭堪作伴吁嗟往事俱成空我  
年四十頭半白對此花前心轉迫一年爛熳有幾時願



空明詩集卷之一  
托東皇好顏色枝幹疑同鐵石堅無瑕宛似連城璧豔  
桃嬌杏羞欲死奇葩肯被春寒勒把酒對花問花神莫  
是玉郎今暫謫回首茫茫天地愁如晤當年舊相識我  
生也有涯而死也無涯此花開落尤堪嗟種花之人今  
在否當日安知此花之屬君家好爲折取兩三枝贈我  
齋中伴月華斜風細雨應愁絕借取誰家繡幕遮

烏夜啼

烏夜啼烏夜啼啼入深閨最戚淒空房無人夜燈暗翡  
帷半捲殘月低繡衾如水寒不寐一尊誰共冷玻璃烏  
莫啼烏莫啼縱使無心念遠人啼時易令魂魄迷

江南曲

江南女兒年十五生長深閨嫺織組無端愛彼陌上花  
細數花枝半經雨自憐花貌勝花枝不知春色當窻午  
兩分團月蹙香塵一抹遠山鬪眉嫵桃花紅暈柳垂腰  
春風未許芳心鎖昨朝買得入侯門主人酷愛柘枝舞  
幾曲笙歌繞畫梁鶯簧巧轉羞鸚鵡滿堂粉黛無顏色  
婉轉掌上飄金縷鳳釵寶髻光照耀倦倚圍屏嬌欲躡  
特寵專房第一人舊日翻風誰敢伍淒涼別院靜於秋  
無限紛紛隨珠顆主恩自重妾身輕回首江南棄如土

三月歌

春風最好三月半桃花水漲白似練畫船簫鼓蔽江來  
五兩風輕落花片中有一人顏如玉妝成七寶黃金釧



空日手詩集卷之一  
濃豔不數崔氏鶯輕盈宛似趙家燕凝眸惆悵對落花  
化作香塵看不見可憐春光有幾許獨凭闌干淚盈面

### 折楊柳

折楊柳莫漫輕輕擎素手纖腰耐得好風吹長眉妬殺  
紅顏醜可憐青眼望天涯幾度少年成皓首一從張緒  
別靈和不復陶潛把杯酒折楊柳莫折青青三月後千  
絲萬縷繫人心剪水弄煙鎖谷口樓上凝眸易感春翠  
愧無人長獨守對此蕭蕭暮雨寒淚珠偷隨沾羅袖別  
離此際正關心執手河梁昏白晝折楊柳且折一枝君  
記否夜來莫望關山月羌笛一聲驚遠岫

### 落花落

窗外落花落花落真寂寞一從社燕來幾度遮繡幕怨  
雨入波流迴颺上高閣惆悵粉痕銷更嫌柳線弱堤畔  
綠陰濃小山謝蘭藥不恨日月忙但恨東風惡青草憶  
王孫紅袖捲珠箔蜂蝶遠相過回首宛如昨滿眼落續  
紛春情何太薄鶯語似招魂游絲若聯絡誰能對此苦  
低回不如尊酒恣歡樂

### 悲哉行

嗚呼悲哉復悲哉天地否極終泰來人身原屬小天地  
頭白齒缺能弗哀玉門關銅雀臺千古英雄盡劫灰滔  
滔東去水未知何日回蛟宮無波雲影淡但聞鯨吼聲  
如雷春秋遞換年少老日月倏去同塵埃豈無雕龍手



倚馬才曳裾王公遍九垓可憐徒讓侏儒飽首觸天門  
門不開屈平沉湘賈傅斥造物仇人何取裁伴食終須  
作相公此意令我生疑猜茶七椀酒千杯盧仝李白堪  
追陪騏驎不逢伯樂賞鹽車困老甘屯災悲哉悲哉弗  
復道至今浩歎同駑駘

### 短歌行

自古皆有死誰能負青春駕言事遠遊荷插隨我輪尚  
論古來醉鄉人惟有劉伶全其真我生也晚不免和其  
光而同其塵上下幾千載奔走數萬里頽然若失而歎  
其流風餘韻爲絕倫君不見陌上花堤邊柳與爾朱顏  
那可久不如一杯長在手毋使桃梗笑土偶遐觀造化

皆芻狗多少少年成白首回看一瞬柳生肘世間萬物  
亦烏有

### 少年行

少年弗復誇意氣請看夾岸桃和李吹盡狂風一百六  
影入澄江搖碧水游蜂浪蝶戲相逐花亦翩翩羞自喜  
獨矜麗質鬪三春羞殺紅顏併皓齒含煙伴月醉良宵  
照日弄晴誰得比無端雷雨徹夜來花片飄零嗟已矣  
可憐好夢未多時回首東風心欲死

### 古別離

古來命將慎選擇秦邦善用王翦言翦也料敵在必勝  
號令一出誰敢喧空國發卒六十萬旌旂無光日色淡



征夫帶甲計日還洞房長夜銀缸燦誰肯歛愁眉相憐  
三歲兒傾此一尊酒欣欣話別離

門有車馬客

侯家甲第世無匹鴛鴦爲瓦高千尺鎖鑿金蟾花覆門  
槐柳和人峙綺陌錦車寶馬聲如雷將軍堂上少揖客  
曳裾終日巧趨跼惟恐龍門被點額招搖豈惜作鷹犬  
少分光彩沾餘澤誰知冰山那可久君心有時易免冠  
解組身待罪獄吏一朝嚴督責巍巍綽楔好張羅但聞  
行路增歎惜請看昨日車馬客引身遠害如避射雕梁  
畫棟無顏色猶是侯家舊門宅

放歌行

天地一何隘人生天地中那得逃出兩儀外令我一旦  
豁心胸神奇臭腐曷足道蜂攢蟻聚寧有窮兩丸跳擲  
無停晷白衣蒼狗倏不同中間阨塞數拳石幾條衣帶  
長流東一品貴十萬鍾不癡不聾不作家翁安能混混  
沌沌轉輪大千之世界竟與造化同鴻濛

烏棲曲

空庭樹矮烏欲棲風號月黑聞烏啼洞房寂寂烏聲咽  
獨守孤燈坐不滅支頤惆悵憶遠人人遠天涯音信絕  
信絕轉堪悲挑燈淚如絲花箋裁錦字憑雁贈君詩贈  
君詩君欲哭音慘悽難卒讀且讀且哭不成眠一聲腸  
斷烏棲曲



長相思

驅車上河梁觸物牽愁緒楊柳綠依依山川實修阻聿  
彼鷓與蘿寄托爰得所悵望念空閨空閨愁獨處魚雁  
杳難憑曷以度寒暑翡翠踏晴枝鴛鴦浴暖渚遲徊不  
覺涕汎瀾矯首天涯誰與語

相逢行

燕去雁來賓相逢話離別爾我雖同類性情各自別中  
斷惜離羣高飛本孤潔秋風愁落木蘆花白似雪對此  
冰霜夜引吭聲悽絕孀婦泣孤燈遠戍笳嗚咽非敢誇  
耿介歲寒知勁節如君亦何求慣與花期結園林佳樹  
肥下上同百舌穿簾剪晴波每爲衆所悅趨蝶更追蜂  
母乃中太熱雖抱逢人技處堂恐杌隉從此又睽違我  
亦守我拙明年中道倘相逢縱使相逢莫浪說

妾薄命

妾薄命鎖高樓折花枝插滿頭惱春色下簾鈎傍妝臺  
淚凝眸默不語轉離憂鶯燕懶蜂蝶羞旦晚間土一丘  
多少恨付東流

有所思

有所思思五柳閉門一著真高手白雲出岫本無心手  
板向人羞五斗琴書自有會心處社結廬山要可久東  
籬采菊愛晚節此意只堪長進酒長進酒爲君歌人生  
真樂豈在多華亭鶴上蔡犬殷鑒昭昭去不遠急流勇



退更何人共歎落花春事晚

今別離

爰彼桃李花又向春風開良人遠于役飛蓬積浮埃殘  
月照孤帷清夢生餘哀尺鯉杳難問雁書幾度猜年光  
疾若駛朱顏凋鏡臺凋鏡臺顏色改不測春愁大於海  
三尺孤墳封白骨待得郎歸誰復在

娼婦行

可憐生本良家子何爲脂粉堆羅綺倚門賣笑惑陽城  
漫向東風鬪桃李翠眉低蹙壓春愁金鳳高挑踏香芷  
舞腰如殺柳三眠歌聲遏雲誰復比夜夜尋郎去不歸  
紅粉朝朝醉綠螳有時被冷獨焚香暮雨蕭蕭愁欲死

失身落節未知羞猶話當年顏色美自從一入娼婦門  
不與尋常講廉恥

息交行

已焉哉莫往來請決斷弗疑猜形旣同槁木心亦似死  
灰精力日減漸衰憊髭鬚如雪白皚皚閉門真足樂貧  
賤不用哀試看三千大千之世界轉眼高車寶馬同塵  
埃何如手一卷得酒便擎杯春遇寒梅放秋逢叢桂開  
高坐握衆香奚羨黃金臺浣花聖謫仙才終日相對足  
徘徊倦則臥北窓暇則提嬰孩可以養福基可以遠禍  
胎靈臺方寸不受蔽在我自有十洲三島真蓬萊已焉  
哉莫往來今決斷弗更猜



空明子詩集卷之一  
村社堂辭

靈旗颺兮神赫赫廟門欹側兮蟠古柏柏森森兮風慘  
悽香煙斷續兮日欲夕我進廟門一瞻視四邊鬼卒驚  
魂魄神巫告予應下拜此禮不行神見責我聞此言髮  
指冠解衣磅礴還脫幘翻身大笑出門去舉首向天手  
加額何來鬼物托叢祠屠毒生民恣狼藉屠毒生民可  
奈何廟翼翼兮山峩峩

游仙曲

朝行蓬萊巔暮上崑崙宿爲我訪婉姸蟠桃幾度熟眼  
見東海三揚塵瞬息流光若電速遨遊十洲歷遍瓊樓  
欲得醉中趣還向壺仙求請邀緱山之鶴挽函谷之牛

鞭初平之羊網海上之鷗曼倩滑稽兮下顧安期赤舄  
兮來游蕭史乘龍於空際弄玉跨鳳於樓頭天雞司晨  
若木銜燭瓊漿灌頂玉醴濯足回首幾千年圍碁纔一  
局琅琅孫登琴山青水自綠我欲從之駕黃鵠更待倩  
雙成吹笛子登彈璫飛瓊鼓簧法嬰歌曲曷以贈之合  
浦珠藍田玉嗟乎嗟乎無是非無榮辱光景偏長日月  
不促忘人我絕嗜欲身心清靜無拘束又奚羨如來之  
金粟

兩曜歌

日月不停轡急景高巍巍朝飛暮走那得駐可憐金烏  
玉兔將安歸我想太陽太陰自能朗照天地無餘憾豈



肯藉此小禽小獸揚光輝狂叫問天天不應但見茫茫  
六合如布圍爲我奪后羿弓射彼金烏之瘦借周生梯  
捉此玉兔之肥然後走者不走飛者不飛庶幾兩曜獨  
運於高高之上使我蟣蝨之民常在此光天化日之下  
而無所違

### 苦寒行

日正黃天無語西風颯颯便如許亂鴉千點落寒渚故  
鬼啾啾呼朋侶濃雲不流似羈旅晚春隔村無停杵圓  
穹圍地如筐筥江楓飄丹縈愁緒我欲訴天恐見阻捉  
住烏兔不得去火輪冰輪膠一處使之寒不寒暑不暑  
調劑太和爰得所下民無衣免淒楚共仰天公特賜予

### 羅漢松歌

羅漢松羅漢松愛爾丰標色最濃歷過韶華六百載挺  
然老榦如虬龍僻居海角慣寂寞猶喜未受樵斧攻蟠  
根直出三里外拂梢欲掃雲數重懷哉懷哉懷爾之枝  
葉凌嚴冬羅漢松羅漢松爾之直節天下聞爾之冰心  
世所寡既能堅此歲寒盟一任霜欺并雨打但不知當  
年處處好潛踪何苦寄人簷廡下

松在寧國寺門首

### 登樓歌懷俞廣文先生

登東樓兮望君君不見兮雨紛紛捧鴻篇而卒讀豈一  
石之平分碎金積玉兮錯雜出雕龍繡虎兮駭見聞瞻  
夜光於元圃洵一代之斯文宜騰驤皇路兮冀北空羣



空明子言集卷之一  
振翮高岡兮九苞蔽雲何爲乎鵬翅之久縛桐材之被  
焚歎蘭蕙之斂芳兮守松竹兮夕昕嗟冷署之寂寞兮  
空對蕉綠而芸芬闡先儒之絕學兮展五典兮三墳微  
祿不足以養大賢兮來多士之紛紜闢異學之爭鳴兮  
孰者爲猶兮孰者爲薰秉大道以示後覺兮成人藹藹  
兮小子欣欣真此邦之典型兮自能禮耨而詩耘寄素  
心於片紙兮表仰止之殷殷

將進酒

將進酒爲君歌且痛飲莫辭多火龍銜燭宇宙朗海鯨  
噴沫星月銜兩手扳翻太行高一足踞斷長江波杜康  
腸欲腐李白顏猶酡令人千載下慨歎無奈何無奈何

今可奈何手提青蛇弄婆娑神光上指牛斗暗豈羨返  
舍魯陽戈青田核金叵羅傾此淋漓之鸕鷀杓倒彼燦  
爛之鸚鵡螺但求千日醉聊與養天和不愁詩作祟不  
懼酒爲魔與酣高枕夢南柯夢回憬醒還吟哦安分知  
命聊避俗守我本來安樂窩



空明子詩集卷之二

練川兄樸村先生選

華亭張 榮景桓著

擬古

薰風自南來吹我北堂夕伴我好花枝坐我一片石羨  
彼鷗鵬飛垂天振雙翮瞬息九萬里天池任所適嗟我  
遭逢苦衡泌誓宿昔寂寂草閣深江聲到枕席掩戶遠  
市塵蓬島實咫尺雖無絲竹好頗有山水癖七椀興悠  
然涼風生兩腋不辭賞花尊屢躡尋山屐醉餘聊短吟  
相須在麗澤才劣謝四愁館虛待三益

花生日篇

春暖花生日為花前致語我生良不辰空谷獨寤處所



空明子詩集卷之二  
好與人殊落落少儔侶惟爾在三春與我托心膺灌溉  
順其性培植得其所蜂蝶偶相窺隨風任容與我與花  
神約月明同快敘酒醉不辭頻詩成期和汝奉花爲良  
朋惜花如好女窻前風雨聲莫來惹愁緒

寶林菴風雨

我來寶林菴風雨連朝夕愁見雨蕭蕭怕聞風淅淅掩  
窻一靜聽來往何其急若銜枚疾走如大兵遇敵日且  
避雲翳鳥亦畏林濕惟有池中魚泳游而自得此間多  
靜趣吾亦悟空色北望九峰巔遙遙煙霧織天地寧有  
常造化實無跡洞然返太虛佛燈夜寂寂

寒食歌

古塚何壘壘遊人何碌碌墓門紙錢飄飛鳥噪林木古  
來將相墳滄桑多反覆傍晚風怒號時聽野鬼哭遙望  
夕陽西酒帘雲外矗

登斗母閣望潘氏樂壽堂湖山有感

晚登斗母閣北望樂壽堂堂化爲烏有梧桐亦隕黃道  
士爲予言此是尚書宅尚書有三昆長在此休息經今  
百餘年衣冠成故迹當日堂在時飛鳥多翱翔每逢花  
月夕遊女踏芬芳堂前有曲池山下有迴廊石橋通仄  
徑古柏森千章主人翩然來珠翠紛成行於今主人去  
長留明月光明月還如舊楊柳和秋瘦湖石咸傾頽故  
址亦他售花開那復春水折空餘縐咄哉樂壽堂子孫



空明子詩集卷之二  
不克守我來夕陽裏徘徊漫尋究閒花發野塘楓葉酣  
朝霜沙鷗獨立煙景成荒涼雁陣來哀鳴憑弔徒悲  
傷凭欄想全盛耿耿何能忘

元夕

天地一何幻變化無盡期蟾光入庭戶造此冰雪姿寒  
梅發墻角中宵影參差澹然疎遠情相看樂在茲堂前  
啓華宴暗香笛中吹散懷理琴曲薄醉殊相宜

郊行

北風日怒號江流正有聲悠悠南山路淡然無餘情登  
臨發長嘯日落疎林平

咏諸葛武侯

天下成瓜分賢豪隱耒耜炎祚如灰飛先生謝不仕桓  
靈誠庸愚曹氏亦奸宄殺氣蟠地天王室漸崩圯大江  
限南北征戰靡遠邇劉備起草莽行兵號知己孤立勢  
難成飄泊失厓涘身居荆楚間心在中原裏君讎不共  
戴倡義於焉始所需王佐才中夜傍徨起伊人終不遠  
三顧先生里長跪謁草廬一見投魚水坦懷示無他漢  
室將委靡曹操假仁義孫權據江沱先生臥不出大業  
將何恃先生奮然興戮力共生死天子久蒙塵發憤爲  
已恥鼎立早見及稱兵寧得已一戰驚敵國再戰振軍  
士天下無寧時四郊方多壘可憐白帝城彌留侍玉几  
披誠輔幼君功業垂青史南人不復叛畏懷入骨髓挺



身當矢石糧運捷於駛將帥俱爭先不呼庚與癸奈彼  
蒼蒼者其意有所指寸進不可得悒悒以沒齒我悲先  
生志心欲綿漢祀此非人所能天運固如此天運固如  
此漢祚可知矣

春閨夜月

日落西山表東方月皎皎月上綠陰深鶴唳空庭悄白  
雲穿屋角明星挂樹杪春閨夜爇香香煙時縹緲一曲  
寄焦桐登樓恣遠眺對景良自惜雲破嬋娟小寒光入  
疎林花枝多嫋嫋清照徧澄湖波心還淼淼素娥沉方  
塘驚見魚鰕擾長歎寂無言沉沉天未曉

隱居

隱居北山下得意吟小詩山高出雲表瀑布當戶垂南  
窓聊寄傲讀古不勝悲竹木森千尺幽禽借一枝曲池  
深且窈魚樂長在茲世路實艱難我生欲何之

和陶飲酒二首

既知行路難先生將何之門外多荆棘荆棘無盡時所  
以樂道人耕讀恒在茲窮達有定數此心未可疑清歌  
澈陋巷杯酒聊相持

寂居甘澹漠草堂面北山提壺聊寄興人事未可言心  
似有所托悠悠二十年君子貴立身名節後世傳

雜感

江岸時正濶江草日漸黃與君一斟酌天地變容光淪



落有定數富貴非敢望眷言思往昔貧乃士之常孔子  
卓千古盛德垂文章儀秦豈不顯身死名弗彰莫隨人  
世轉我道有行藏

秋成風雨歎

日月忽云邁草木亦漸凋如何連夜雨一望海天遙湖  
水勢滔天海水不上潮待食愁懸釜村里多蕭條嗟嗟  
此農人旱魃已見遭赤地遍千里麥稻皆枯焦近水竭  
人功存此數莖苗方期登場圃聊可免腹枵胡天降閔  
凶風雨苦漂搖門前看鸛浴竈下驚魚跳籬菊入波寒  
徒聞竹蕭蕭行將絕乃粒曷以度晨宵

雜詩

森森松柏姿歲寒不改素灼灼桃花榮枯在旦暮士  
生宇宙間富貴非所慕寂寞秋江濱旁有壯士墓當日  
身在時餘子曷足顧英氣射斗牛儕輩勿敢忤而今世  
已遠事業如晞露盛名豈久居通塞有參互不見長安  
道愁殺斜陽渡知止歎何人槐安笑蟻附詩酒逃世塵  
遮莫神仙妬

小齋卽席得秀字

歲月莽推移古道自宇宙交好托酒杯氣味同蘭臭七  
賢與六逸天地鍾神秀安在古今人不堪並馳驟嘯傲  
挾羽衣娉婷倚羅袖蝸角空虛爭鼠穴成浪鬪所患無  
令名文章足上壽



諺亦山齋卽席得樹字

勝會苦無多冉冉悲日暮逝者如川流令名同朝露所以達觀人於此得靜悟載斟復載酌咀嚼天地趣交結少雜賓微風動嘉樹抱璞聊自全吾心相與素

贈慕庭大兄

位高多貢諛我心獨否否 聖明深眷顧令德期不朽廟堂獻嘉謨守身絕塵垢毋曰天聽高畏此道路口繩武望後昆垂訓在忠厚

贈芳園二兄

挂冠歸故里廿載甘株守孺子非能貧長歎起隴畝慷慨謁承明大展經綸手莫笑東家施捧心徒自醜尚友

古之人百年要可久

贈蓋修三先兄

十五走四方文章結勝友長揖謁王侯終日資談藪惜哉年不永白衣變蒼狗芝蘭發庭堦古道信有後九泉如可作酌以三大斗

贈雅臨四兄

海天一何廓日月殊未久嗟哉鼓盆人空房夜獨守鶯花亂其前風月撓其後此心對神明粹然無瑕垢遙聲引松籟爲爾祝眉壽

贈端宸五先兄

聯牀夜讀書涼風納虛牖何似桃李花負此三春柳厲



空明子詩集卷之二  
志追古人閉門絕俗偶養氣若木雞下筆驚蚪蚪舉首  
問老蒼玉樓召果否

自贈

一烝涵天地天地亦何有土木寄形骸無乃類芻狗曾  
中絕蒂芥雲夢吞八九遙遙望長安勢熱恐炙手我本  
謫仙人人復知我否

贈齊軾七弟

舉酒屬卧龍禁爾談天口不見古之人三緘示戒否訂  
交托死生我實愛我友野性類浮雲佳句酬旨酒造化  
本無讎疇能執其咎

贈茹英八弟

王貢共彈冠蕭朱早結綬春華非不好秋實天益厚爾  
素愛直道與爾酌卮酒培我忠恕心交盡端方友從此  
展嘉謨一試補天手

贈退谷九弟

作聖固不難善言貴虛受大禹乃至聖聞之拜恐後爾  
我本庸流何能出其右翹首企昔賢結交定杵臼曷以  
樹令名不在膽如斗

贈和叔十弟

爾質本高明藏書探二酉機巧奪造化功不在師友對  
卷欣有得直欲天心剖龍伏九江清夜靜蒲牢吼勉爾  
早樹立行將看大受



贈奕山十一弟

年雖未成童賦質何其厚閉戶謝交游卓然能自守子  
史悉旁搜墳典益深究頗有長者風不屑羣兒偶培此  
希聖心先賢可尚友

示堯兒

而翁半甲子殊多雜症侵業儒歎無成黽勉事苦吟苦  
吟亦不惡聊以拓胸襟鶯花偶托興丘壑堪追尋汝尚  
在懷抱何時觀古今跂予曷所望對卷惜分陰富貴弗  
移志聖賢當自箴守此忠恕旨培養天地心嗟我老且  
憊愛抱無絃琴閉戶謝人事終日坐愁霖愁霖正未已  
徒悲歲月深待爾稍樹立相從支道林

毒熱

毒熱殊悶人曷以遣懷抱隔江有芙蓉采采意自好嗟  
此別恨長垂楊拂古道曠達非莊生曷克齊壽夭來日  
悲無多立言苦不早轉眼暑氣清秋風衰碧草南面擁  
百城茫茫事幽討西方懷美人怒焉心如擣

訪友

日落暮山紫行行何所止矮屋連疎籬此是高人里高  
人不復見寂寂空桃李

堯兒行年十六孝弟慈祥讀書樂善且以聖賢之  
道自任何意一旦天亡不覺惜之至而哭之慟  
也爰述始末大槩如此



空明子詩集卷之二  
一自先君歿單絲抽獨繭讀書苦無成身名俱不顯才  
既未如人命亦頗劣謏行年三十四始獲生豚犬荏苒  
五六載延師日相聞不待教而知慧實羣兒鮮六經及  
四子三墳并五典初不問寒暑朝夕勤書卷過庭遵父  
訓侍坐承師勉立志頗卓然臨文絕敷衍有時似山林  
有時倏冠冕下筆多英氣或冀青錢選聖道得仔肩衰  
宗賴以轉老夫差自喜聊用作消遣胡天降閔凶蘭玉  
遭摧剪有志卒不攄抱才終不展嗟予病餘身時運何  
太蹇已悼佳兒亡還愁性命淺跖克反壽終回仁乃不  
免天道苟如此何以勸爲善

決絕詞

汝既不我戀我亦與汝絕被賺十六年一旦成長別教  
汝讀詩書敝我喉與舌望汝希聖賢不避寒與熱蒙養  
期端方語言不敢褻出入必與偕恩誼何其切年來汝  
稍長我行凜芳潔見汝漸成人未肯讓豪傑退守益自  
修內外如一轍問心頗自安信道堅似鐵相接無雜賓  
匪交不敢結春秋有大義我亦庶幾竊杜門安我愚儀  
型在先哲心既湛然清有得自怡悅惡惡如疾讎每受  
狂犬齧豈期遭大創平坂值蹉跌攫我掌上珠斫我心  
頭血行年日就衰何由至大耋汝弟方三齡朝夕待提  
挈我性又鯁直安能受屈折壯志苦未舒憤悶終難雪  
抱病人不知水衰火自烈從此學長生愛根須斬截人



世有死生天道有完缺哭子亦無聊念子多言說恨汝  
不汝思悲哉此意決

喪子篇

喪子真喪予哭子未敢哭身既抱羸疾形骸若槁木哀  
慟總徒然祇今年命蹙清夜苦自思曷以慰笑獨念子  
六齡時殷勤就外塾沉靜本天生不肯羣兒逐我特擇  
良師朱趙皆名宿涵養及數年義精而仁熟問汝何所  
能經史便便腹問汝更何長待人克敦睦志道不憚勞  
持已益卑牧我病代祭祀莊敬且嚴肅愛既及同人惠  
亦逮僮僕今春遭辛螫朝夕憂沉陸黽勉課誦勤火烈  
消肌肉自悔持直道釁起在宗族乘危思下石讒人尤

反覆我身日就強此輩漸消縮譬如太陽出鬼魅自潛  
伏我方百端解子病已不祿惜哉且痛哉卒年纔十六

節哀

父母生我時教誨真勤懇望我早樹立一生得安穩豈  
料學無成負罪志氣損欲報終未能老天毒何狠餘生  
不足惜還思圖報本今秋壘兒亡性滅失寒煖因思親  
與子哀苦不甚遠何爲哭子淚朝夕若泉混顛倒一至  
斯未嘗不私忖此係血食關痛腸出誠悃不知不節哀  
明喪悔亦晚昔聞大賢訓我亦將自反

憶亡兒

老人哭子詩一字一點血念子心欲碎憶子腸斷絕行



空明子詩集卷之二  
不逮王祥胡際此酷孽文不及顧况乃受此屈折古今  
同一悲宣聖亦遭跌渺渺余小子愛子情固結輾轉未  
能忘那肯遽云別非熊倘再生恩誼更親切

接茹英八弟家報

客散心緒煩夜坐不得寐開緘讀弟書驀然動長喟念  
我兒子佳使我隨血淚弟云在官難伴食生慚愧又云  
讀書好教子循禮義豈知老兄苦今秋遭變異自問實  
無欺立心從不貳何至喪長子令人心膽悸撫此三歲  
兒形神俱憔悴稍喜知慧深出言亦通利再待十五年  
庶幾成令器

獨坐

獨坐愁夜長日亦未為短堪笑功名人寸陰惜陶侃清  
狂得自由羨彼嵇中散更有東方生出言殊放誕我性  
本迂拙作事亦疎懶殷殷念二子安得尊常滿舉酒酌  
遙空一為接情款

答八弟書兼道鄙意

誰可話同心潛潛欲出涕千里共相思睠焉念阿弟大  
厦支一木崩頽事非細醉極乏醒方病拙鮮良劑熱心  
遭按劍中山成反噬嗟哉行路難應早思變計汝兒十  
七齡我子方三歲但當師古賢慎弗慕權勢出處雖異  
途性老等薑桂立德與立言相期垂後世寄書憑雁足  
門外風正厲



閉戶

閉戶下重簾，驀然登高閣。借問欲誰何，門外北風惡。燕我一炷香，飲我一瓢藥。人生天地間，涉世宜斟酌。大善當急爲，小惡慎勿作。失身入匪類，正人遠見却。品旣居下流，名亦安所托。縱有好衣冠，衆笑行屍著。縱有好文章，語言盡糟粕。縱有好車馬，顧盼生愧怍。譬如三春花，未秋先搖落。彼雖暫時歡，卒鮮百年樂。君子早慮此，度量先開拓。交親寧慎擇，從厚不從薄。世道實荆棘，人心亦谿壑。不如安我愚，冥心遊寂寞。

對月

月出隨圓缺，所餘三寸光。寂寂照下土，明朗遍八荒。君子心湛然，鑑物如月望。妍媸無遁影，高下別殊方。所以道彌茂，因之行愈芳。小人則反是，昧理等面墻。

集姚欽六家山堂丙舍分得家字

輕寒颺微風，光景隨天車。蘭橈動晴波，心邇地自遐。伊人豈終遠，一水浸蒹葭。停舟慰良晤，感慨戀物華。予亦蓬蒿人，宜此對霜葩。精舍鄰佳城，淑氣凝紫霞。高談發清興，得酒堪忘家。燒燈繼短日，傾倒帽簷斜。投轄劇相類，星聚安足誇。夜深望牛斗，乘波泛靈槎。明年如有約，重與問梅花。

舟中念兆熊

日落北風涼，江天同一碧。漁火照孤舟，蟲聲憐過客。荒



寺鐘鼓稀夜靜苦行役梧桐感秋思迎風先蕭索自愧  
老蓬蒿逢人辨黑白半生誦讀勤力學竟何益惟餘萬  
卷書挾之曷所適竊喜天賜子好修報已獲性旣宜澹  
泊恬退守安宅與此黃口兒詩禮延一脉撫心質幽明  
天意實咫尺

玩月

夜半睡方濃東方月初皎童子偶啓窗歡聲獲至寶夢  
回急披衣坐看浮雲掃耿耿銀河明疎疎衆星小漏盡  
獨吟詩玉露沾秋草

自嘲

我本寒乞相不工寒乞聲自擬尊且貴南面擁百城對

卷欣有得下筆如川盈王石鬪瑰麗溫李合齊名雖使  
古人作許我爲同盟呼童滿引卮拍案酒盞傾

虎丘作

舟行過半塘風冷日將夕爲訪虎丘勝來坐千人石劍  
池生寂寥紅裙半狼藉未幾人影稀白駒同過隙但聞  
山鳥喧落照一輪赤長嘯恣歡賞遊屐杳無跡獨樂興  
轉豪吟詩向蒼碧

醉後吟

一飲傾一斗恣我談天口狂言破鬼膽四座盡回首得  
句欲揮毫仰屋向空叩奴輩頗錯愕童子怪老醜書就  
呈親知合詞譽瓊玖持杯再進爵剖衷告我友文章愧



未能道誼信固有開我禮樂門展我仁義手陶鑄萬物  
性渾然歸淳厚俯仰不得志嗒喪類窮九且喜樂天命  
坐井觀蒼狗

吳閶懷古

我來閶闔門披襟聊散步寓目過便忘勝迹必回顧專  
諸旣名巷要離亦有墓遙想致身時性命同朝露殺人  
須見血口碑載道路餘韻流千年五人又奮怒空手鋤  
奸黨至死無恐怖未幾克豎誅賜塋豐碑樹我觀吳士  
民孱弱同婦孺何爲此數子神勇若天助雖在百世下  
凜凜猶堪賦古人不復作安得黃金鑄爲我謝餘子庸  
碌曷足數

狂吟

遠水高際天遙山平如薺梯雲一俯視爲笑轉破涕四  
海僅成坳五嶽等粒米呼彼洪崖兄挾此圖南弟遨遊  
九霄外沉酣醉瓊醴玉皇倘未容肆口便相詆天上肅  
威儀秩秩頗有禮自問出世入安能中肯綮科頭不著  
冠赤足見脚底荷芰作衣裳麤疎聊蔽體任我半世頑  
蒙心猶未啓倘逢孔宣聖惕然滋慚愧

過佘山

泛舟佘峰下驀然念往事徵君去不返敗沼餘菱芰蟬  
鳴高樹秋鳥語喧荒寺積澇成巨浸日午牛閒睡不聞  
雞犬聲晚香在何地惟有柳條黃還映前山翠



遊周氏園亭

我來周氏園冉冉日欲夕遙聞桂花香啓窗坐片石修竹鬱成林草深絕人迹古梅數十本榦老動魂魄環溪多芰荷危亭勢迫窄脫幘恣遊覽羣芳委蒼壁空谷遠市朝北山不盈尺願言結蓬茅永矢在疇昔

濟川

一葦凌大川隨地多恐怖風逆不得前風順不得住二者俱違心寸腸縈幾度况聞殷殷雷又遇濛濛雨始知行路難曷若學稼圃樊須小人哉庶幾不我忤

和俞楠亭謝僚友餉紫薑黃雀原韻

顧影生寂寥隙駒殊未覺芙蓉發秋江幽蘭吐奇萼豪

吟性所耽不惜形似削絳帳動涼風微言啓絕學何期素心人憐我食場藿帶紅餽紫薑披綿餉黃雀亟命入我廚兼理鷓鴣勺寒齋召賓朋聞者盡驚愕秉燭一飛觴齒芬成雅謔莫漫學老饕把酒細咀嚼

芙蓉閣小飲對花述懷

燦燦芙蓉花依窗弄柔姿高閣敞秋旻眷焉樂在茲結交得素心道義足我師握手論夙昔途窮歎莫知廿年成廢棄矢志聊吟詩詩成每獨賞貧賤頗自怡今日在花前花發何紛披對花增太息造化不容私卽此花而論年年一遇時胡爲君與我淪落至於斯呼童供雞黍有酒挹我卮寓言嘲閤闕托諷借花枝醉後劇談文先



民不可追時無英雄輩誰復辨妍媸把盞滴花下秋風  
動涼思殷勤戀良會欲別還遲遲

月下對芙蓉

明月何皎皎清光弄寒颺照彼芙蓉花幽豔生奇姿挺  
榦覆高閣穠芳壓黃葵宛如木芍藥生在梧桐枝舉酒  
獨自酌對花聊致詞萬卉盡凋落爾方初遇時爾性何  
其傲爾發何其遲特出衆芳後天地若有私古來雖尚  
菊欹側成紛披惜彼陶靖節祇知有東籬若使早見此  
彭澤并不爲

吳淞江舟次

泛舟吳淞江遙天挂晴練丹楓夾岸飛欲落猶眷戀震

澤生洪濤東流疾於箭晚浮雲生返照若激電眄彼  
紅蓼花臨風苦自戰寂寂行路稀天半銀河見高旻燦  
明星似珠鋪翠鈿嘹唳聞賓鴻得句還側弁松影動虬  
龍月光通一線長吟俯清江下看迴波漩念彼粒食功  
神禹開芳甸安得薦蘋蘩殷勤把酒奠

冬蘭行

愚性迂拙杜門息交祇與陳含美懷鏡渟倡和  
三十餘年近交李次鄴頗愜素心作此寄意

歲寒結三友松竹與梅花何期來嘉卉凌冬茁蘭芽盆  
植置幽室芬馥達無涯伴我獨吟詩餘芳流齒牙挺生  
四五枝纖莖吐奇葩爰命二三子弗令霜雪加愛護如



空明子詩卷之二  
一  
珙壁相守度歲華  
筆墨欲染香書卷  
生雲霞展玩托素  
心清賞半盞茶  
迴顧松竹梅真堪共一家

空明子詩集卷之三

練川兄樸村先生選

贈上洋曹先生

華亭張

榮景桓著

上觀天時下地利除是二者人事起羣雄逐鹿俱已矣  
天下兵戈從此止名山大川多俊英東海之濱隱先生  
先生一代推高賢河洛理數窺真傳布衣秉道揖侯王  
世人誰識田子方退而結室山之巔悠然海外遇神仙  
握訣獨叅性命本坤可轉兮乾可旋更悟釋氏西來意  
色相空空法無二三教之源本合一先生妙解世無匹  
識緯精微亦深究錯綜變化風雷吼外王內聖誠偉哉  
天涯歷遍無人售飄零湖海三十年歸來滄海變桑田



城郭依然人世改昔時高塚牛羊眠浮踪日與漁樵伍  
曠懷豈受俗人憐巖巖道範後人師渺予小子相追隨  
丈夫未遇似雛伏安問塵埃知不知

春江引祝潘春江八十壽

兒童競報春花發春花映水江岸濶輕帆破浪乘夜月  
水光淼淼和天合我與春江結勝遊花開花謝逐波流  
風恬堤柳懸金鏡笑看閒鷗立渡頭蒼狗白衣多變態  
亂搖晴影散林丘春江先生志高尚終朝坐臥春江上  
開襟脫幘坐釣磯渭川已事無惆悵垂老春江靜無爲  
落落不存人我相鷹揚本是尋常物先生視之如土壤  
層城十二樂不窮金飾亭臺玉飾宮黃鶴仙人駕白雲  
青牛老子凌天風共飲瓊漿劈鱗脯一聲長嘯騰蛟龍  
安得隨君坐江滸月光花影春波中拏雲捉月騎鯨去  
結伴還尋無是公

小赤壁歌

癸亥之年仲秋月扁舟一葉清晨發偕我友攜我樽遙  
望赤壁如雲屯鴻雁參差落天外蘆荻蕭疎拂水痕溯  
流而上波浩淼孤村綠竹聞啼鳥鳥有語兮風有聲布  
帆空逐岸草青岸草有時亦失青淒淒可哀遊子情俄  
而舟泛赤壁下翩然揖客同行者探奇選勝竊且深虬  
龍虎豹列森森萬丈峭崖如劍削幽閒別致堪會心客  
心旁皇我獨上僻徑險仄當山陰攀藤附葛登絕頂山



高飛鳥無隻影悲從中來地天浮長嘯一聲草木冷草  
木榮枯歲歲更人生飄泊等蘋萍東西南北何所之一  
俯一仰令我驚此志願與秋風高此心不與秋水平未  
幾日落雲山暮翠柏丹楓遶古路有石一片容萬人蒼  
苔斑剝白磷磷從來事業同灰燼笑傲乾坤仍一瞬醉  
臥忘歸不覺非但聞客喚聲依稀還尋歸路迷失道越  
逕穿林僧掩扉天香忽從雲外來童子競報前村開主  
人折取娛客目清芬拂面聊徘徊幽賞寧與儕俗同胷  
次一掃絕塵埃舟子相呼駕帆去飄飄乘風破浪回醇  
醪盈尊浮琥珀宛然赤壁高千尺岸旁楊柳解人憐冷  
落秋深變顏色臨流喜見冰輪生舉頭雲物歸虛明明

月長懸照下土浩蕩江潮留不住觥籌交錯笑語喧夜  
涼惟聽松濤怒可憐日月逝如波座中莫惜醉顏酡空  
花眼底易蹉跎一年佳况苦無多與君對飲更高歌藏  
鈎賭勝共婆娑有詩不吟且猶可有酒不樂將如何

送書行

寄書寄君寄空紙君知妾心何所底千迴萬轉欲寄書  
及至將書無字止臨池曾學走龍蛇造語無難綴經史  
爲甚將書無一言只因不盡心中爾妾今回想去年時  
去年今日君行矣君行江頭有妾隨送君歷國惟江水  
江水悠悠東向流何年何月何時已妾心思君思不窮  
妾心江水應相似自恨深閨弱質人侍君巾櫛同生死



豈知君行不復還相思今日從教起日月何曾變陰陽  
山川何曾失流峙箇中滋味未堪嘗觸目驚心皆之子  
君不聞糟糠之妻不下堂前哲遺言猶在耳

醉贈酒顛

吾友酒顛慣遨遊飄然一身無所求與酣氣槩薄霄漢  
山水蒼茫任去留一斗亦醉百斗醉渺爾天地如浮漚  
直挾仙人乘白鶴歷遍三山十二樓我亦當今年少者  
與子邂逅相綢繆立志願爲知己死按劍欲砍佞人頭  
不惜探竒且選勝清風明月載孤舟慷慨盛談今古迹  
擬向淮陰下釣釣可憐戰將成烹狗漢苑離宮亦故丘  
相對一杯吟百首江水東流不盡愁漫陳前代興亡事

中庭萱草足忘憂酒顛真與神仙伍酒顛寧與俗人侔  
酒顛不羨千鍾粟酒顛無求萬戶侯論人直欲刺骨髓  
句挾風霜自颼颼空林倡和鳴吾志一聲長嘯海天秋  
此生但願醉鄉住顛乎顛乎幾時休

月牙池種菜老僧歌

老僧種菜爲常業救世婆心最真切指點迷人無別說  
屋邊常繞半輪月不伐鼓不考鐘穿衣吃飯每從容以  
爲大道只如是子自思之有得耳我來養靜假一房與  
僧相對話夕陽僧言一何異人哉出口令我智慧開卽  
離不外菜園裏行年二十長徘徊昔時荒壟牛羊臥於  
今華屋徒崔嵬或有或無成變相倏生倏滅休關懷我



空明子詩集卷之三  
聞僧言多領會名心道心一朝灰因悟菜園亦多事真  
詮既得俱塵埃試進與僧叅三昧一脚踏破菜園來

贈練川甘生

繁花滿眼春正晴甘生策蹇來茸城茸城西有斗母閣  
九峰擁北如圍屏閣外垂楊春雨濕梁間燕子銜泥急  
桃花零落不勝情東風飄蕩遊蜂出我來閣上尋甘生  
妙染一睹神思驚綠葉扶蘇栖粉蝶虬杖天矯穿流鶯  
甘生書畫得異傳下筆迅掃浮雲煙千巖萬壑一瞬就  
恍然置身山水間有時設色繪花王圖成國色與天香  
一俯一仰俱盡致直教大地輸文章我慕甘生不在是  
在乎性情之間耳真樸還堪繼古人風流直足稱奇士  
與君閒把臂長嘯凌蒼穹一切富貴皆空花北窗高臥  
懷崆峒此中無言有靜趣欣然披髮傲王公

醉歌行

無事須飲酒勸君莫落他人後有酒且登樓勸君莫學  
他人愁登樓飲酒尋常事睥睨乾坤只如此人生夢幻  
真浮漚壁上高山堪卧遊君能飲我一千石日日醉臥  
西山頭

春日訪愚山上人

東風昨夜過園林春暖黃鸝弄好音舍衛城邊數竿竹  
竹色悠然浮碧潯愚公爲我結蓮社我性愛弄無絃琴  
自問一生鮮所好無過酒癖及書淫對卷每思閉戶讀



空明子言集卷之三  
五  
得句恒欲向人吟蒲團趺坐經十載放蕩禮法驕冠簪  
愚公才藻世無匹惠我半偈雙南金筆底飛揚詩與賦  
曾中運化古與今佛燈寂寂夜光發刪除塵念同披襟  
我與愚公別有會清風明月俱禪心

九峰煙雨應湯大中丞教

一自凌崑論列後九峰天外落雲間地卑當澤國  
平蕪如鏡少高山東有大海勢浩渺西有三泖水潺湲  
襟以申江白似練帶以吳淞細於線獵城之北列九峰  
煙雨荒涼看不見古木蕭條翠靄中浮雲疎處開宮殿  
僧房鐘鼓動寒煙晚鴉帶雨歸如箭九峰位置若雁行  
松爲佩兮竹爲裳登高極目發長嘯一片雲山正渺茫  
憶昔柳陰聽曉鶯桃花成浪逗春情踏青士女喧千陌  
煙雨還輸暖日晴

留侯歌

運籌帷幄決勝千里壯哉子房草野崛起游俠徧天下  
悠悠少知己爲韓報讎擊副車始皇魂魄驚散矣大索  
十日詔卽止方知世有奇男子沙丘崩後二世亡英雄  
逐鹿正未已子房妙算定九州功成身退封留侯設使  
不遇漢高祖一椎之後成亡虜後世指稱秦妄人令名  
安得垂千古

雲蟻歌

大道不在遠求之樂自生世無血性真男子誰能解此



空明子詩集卷之三  
六  
道德經我師雲蟻究其奧飄然遐舉遊層城行踪不定  
傳來異非離非卽契紮冥芒鞋布衲徧天下空谷時聽  
黃鶴鳴吁嗟乎惟彼世人不知甘苦惟我雲蟻能繼道  
祖探微索隱蒲團兀坐烈烈我師常存終古

### 德安變

六月不興師興師恐挫衄江夏弄兵羽檄傳德安投逆  
何其速背盟殺賊數十人反使回戈盡屠戮哀哀老少  
不相救斯民塗炭亦已酷日暮風吹鄖子城月明怨鬼  
街頭哭

### 答悔亭牡丹篇

牡丹花開穀雨日姚家魏家世無匹清平三曲若不傳  
縱有仙才人莫識洛陽城中花最多王孫不惜醉顏酡  
護花鈴索懸金屋狂蜂浪蝶敢相過我笑平泉何所有  
廢址頽垣餘敗柳天香到底是花王花不因人徒自醜  
此花觴咏盛三唐妃子風流學士狂穠豔一枝誰與敵  
羣芳俯首謝新妝卽今年少五陵輩豈少名園花作隊  
錦幡繡幄舞春風夜月酣歌酬大塊爾我寂寞老江濱  
愁絕孺子何長貧東隣挾妓西隣醉畢竟終輸富貴人

### 清明日經徐御史墓

君不見御史墳上野花開野花開處牛羊來華表依稀  
荒草畔每經寒食令人哀我因御史別感生桑田滄海  
多變更當年此墓非徒設松柏千尋猿夜咽歲歲期飄



子母錢兒孫世守衣冠列誰知事業空花易灰滅寒煙  
飛斷白蝴蝶若使功名富貴可長在今日侯門深似海  
百年之後應無改

杲山大師以長篇贈我因在病中未及接見哭子  
之餘爰步原韻奉答初不計詞之工拙也

獨醒不容天惡直我生茫茫如寄客才疎那可干執事  
漁樵自分甘簞笠安貧豈識有富貴但知對月當浮白  
素心交好托聖賢抹倒文豪與詩伯有時童冠樂春風  
勝讀南華兩三冊每思過隙不多時常歎昔賢幾量屐  
究心一部黃庭經醉我瓊漿并玉液近來惡况苦不支  
摧折芝蘭增太息一燈搖曳夜深涼淒風入骨音蕭瑟

撫心竊擬改素守又恐枉尋而直尺餘哀不盡欲喪明  
羞向人間論道德承師譽我未敢當長嘯一聲悟空色

### 悼子

生既乏佳趣死亦何足哀可憐行年將五十可憐惡况  
等夜臺可憐兒女各俱四今存懷抱兩嬰孩有客謂我  
頭已白有客勸我着早開自思亡兒年十六何故一旦  
埋塵埃因思此子太狡猾早離人世遠禍胎此生但感  
父母恩此生不惹嫌忌猜莫說富與貴休論材不材泡  
影既無定何如前不來雖曰此中有定數造化弄人何  
取裁我今直覷破痛飲三百杯彭殤同一轍天地亦劫  
灰可與達人言寧爲俗物哈然而可恨終可恨畢竟哀



空明子詩集卷之三  
八  
哉復哀哉

懊惱篇

懊惱復懊惱人事不可考清夜問真宰賞罰頗顛倒我  
生或者多罪愆但惜堯兒亡太早回頭細數世上人未  
必守身克正道兒孫遶膝易成長一年一度同青草幼  
不識詩書長不辨麥稻耽妻撇却兄弟歡反哺竟忘父  
母老廉恥殊不講佩服偏鮮好似此敗類子彼蒼若至  
寶宜乎我兒亡倏焉就枯槁

亡兒見道頗早得夫子朝聞夕死之義爰作是詩  
魂兮魂兮竟歸天惜哉惜哉孺子天見道有遲速壽命  
無大小獨不見顏曾年判然俱爲萬世表所患無令聞

身歿名亦杳四大誰不壞天地有時了

招魂

世間萬事誰最苦離別貧窮皆不數唯有暮年喪愛子  
悲傷裂盡衷腸五呼天天不應呼地地何補求汝再生  
不可得將身殉汝俱黃土親朋爲予言子實稱慈父教  
子一生無失德全歸全受今猶古但能博取後世名勝  
似行屍盡陳腐予也雖不文與子立年譜更乞名賢作  
寫子人中龍文中虎嗚呼哀哉子之去也不是作記召  
玉樓定是修文招地府天鼓鳴天魔舞飲是瓊漿饌麟  
脯十洲三島任往還莫忘葩經陟彼岵靈其跨鶴早歸  
來一慰衰親淚似雨



風冷霜濃摧百卉殘燈一點光餘幾寒雞喔喔四更鳴  
月明樹黑啼新鬼

題振秀堂壁

海天蒼蒼如潑墨幾度欲行行不得山魃水弩暗侵人  
牛鬼蛇神明掠食忙忙轉計學杜門乃識人間極樂國  
往來不聞車馬聲遠却浮雲親道德銜杯樂聖世罕儔  
友盡端方與正直有兒可教知慧殊五經九歲羅曾臆  
十三就試輒冠軍十五揮毫古是則循循擬築賢聖基  
豈意天心竟不測今年人去北風寒明年花放人誰識  
春風不到此堂中海棠鹿韭無顏色

出世想

前生侍玉皇職掌在文案一謫人間四十九茫茫大海  
無涯岸喪去子女共六人絞斷肝腸成浩歎算來上壽  
止百歲已送韶華將一半懷中兒女雖可憐對之使我  
心煩亂水衰火弱病日增安得神方肌骨換回頭一想  
隨孽坑忽覺通身俱下汗不如逃去入深山閒看奕碁  
任柯爛

次朱秉士西賓留別韻

愛子喪兮淚欲零書堂寂寂冷如冰夜深不寐心營營  
推窗仰望參斗橫故人一別時事改可憐但有琴書在  
自思頭白轉傷心恰如片葉浮滄海

題沈瑤田梅花小照



但見梅花開不見梅花落把酒屬梅花爾真得所托花  
下有美人恬淡頗自樂花得此人花必傳人得此花良  
不惡此花孤標世無匹最宜一丘與一壑此人坐臥此  
花下時將杯酒和花嚼對花不作窮愁相皎皎精神似  
孤鶴我愛此人曷以名庶幾古人如可作此人請問是  
何人裔出吳興隱侯約披卷細認知瑤田噫嘻乎胡爲  
落落更莫莫先生畢竟非常人行將圖上凌煙閣

十月十八日見龍挂

上帝愛衆生使龍沛甘雨一沛潤佳苗再沛沃焦土兼  
愛山澤癯餘霖拂芳樹東作及西成神功佐田祖下民  
戴上蒼拜龍如拜父時至霜露降會見歸紫府何期十

月中猶覩逞神武天矯蟠地天依稀七德舞雖未聞雷  
鳴氤氳籠遠浦龍乎龍乎鑿此愚魯感君厚澤惜君勞  
苦或疑錢塘之一怒或仰靈山之八部逍遙乎九江可  
伏兮水波不興芝圃可遊兮五花無數請收雲霧兮養  
太和共祝明年兮恩再溥

山塘夜泊

佳水何必連江海好山何必插雲霄但看虎丘一片石  
令人仰慕如瓊瑤迴廊燈火夜半月別館常聞度玉簫  
第三泉邊水泠泠生公石畔松蕭蕭上駕巍巍萬歲樓  
詩翁羽客恣逍遙醉看遊人狂未醒就中時有暗香飄  
芳塵一歇知歸去畫艦聯翩白馬橋



棲隱

吁嗟乎丈夫生不逢時便當知猛省莫漫漂流作桃梗  
泛波有洪濤登山多峻嶺君門一萬里企望徒引頸可  
憐朱顏不復返隙中一過成駒影何如看彼陌上花杖  
策惜此好光景草堂八九間負郭三四頃遭逢盛世際  
太平終日著書真可幸夜深啓戶月侵衣凄然露下秋  
風冷

守寂

日月不停光爍爍幾度叫雲欲斟酌問天何爲忙至斯  
不過廓然仍淡漠上旣無所增下亦鮮所擴二十八宿  
如碁置五星躔度堪摸索風雷雨雪有定位春夏秋冬夏  
無舛錯內有真元宰從中握鎖鑰晦明倏轉移寒燠遞  
繹絡毋乃過勞瘁我欲進良藥太空旣冥冥乾坤實糟  
粕質彼無爲聖啞然成大噓鰲魚翻身地軸搖罡風吹  
動若掃籜俄看蒼狗飛旋見尾閭涸人生貴適志何苦  
自束縛不如打破九重天還我本來守寂寞

庭前木芙蓉

庭前芙蓉花花開何遲遲別有好顏色映帶松柏姿傍  
石發奇媚倚窗弄涼颼此花宜水不宜旱主人對之增  
浩歎臨流照影嬌態生秋風裊裊吹不散誰教移植此  
庭中雖違其性猶堪玩玩花心更驚如夢未分明依稀  
學士石曼卿髣髴仙女周瑤英酹酒問花花無語飄颻



空明子詩集卷之三  
霞帔如輕舉綠衣紅粉一佳人戀我白頭不忍去  
人為貴

天下孰為貴人為萬物靈塊然中處者木石具其形古  
來大聖不復作次之不過樵夫牧豎同醉醒蜉蝣朝暮  
死龜龍千萬齡究竟同一化安辨其為蜉蝣之穢與龜  
龍之馨孔氏典老子經如來之法炳日星三教聖人俱  
已遠至今仰慕如蒼冥慎弗背禮徒自棄令人指點踰  
閑蕩檢之假劉伶

放言

我欲鞭山飛我欲喝水住鞭山飛去填江海使之坦然  
成大路萬國來朝不必梯行旅往還得穩步平平蕩蕩  
王道清鏟此峰巒少恐怖喝水不由地中行散作甘霖  
與玉露滋培佳種殺惡草下民溫飽漸庶富安用橫流  
遍四方因風借勢尤狂怒嗟乎嗟乎山也空水也空人  
心豁豁自不同眼空那覺山插天曾曠何知水流東

和俞楠亭長至後一日復雪原韻

前雪後雪將毋同灰飛玉管陽氣融庭下撒鹽併拋絮  
俄頃積素彌淵冲農人歡欣官長樂把酒相慶兆年豐  
先生獨坐擁一氈遙聞天半鳴飛鴻呼童掃雪亟烹茶  
須臾蟹眼擎掌中盧仝七椀任意呷得失亦知同塞翁  
展卷會心更燒燭雪光搖映一燈紅開篋經營新藥裏  
啓箱整理舊詩筒斜壓竹枝聲忽折光明世界照簾櫳



空明子詩集卷之三  
推窗一望眼欲濶玉樓粟起生寒風爛銀鋪地花六出  
自是天巧非人工梅蘂未舒柳未放但見一片光融融  
名教自有真樂地弗做阮籍哭途窮掩關靜慮聊偃息  
吉夢先徵十八公

附五言排律

柳埕秋月

谷水開晴色山房散暮煙浮圖臨巨浸古刹麗中天東  
接崑岡麓西通笠澤邊孤桐心易感殘柳葉堪憐隔岸  
閒蔬圃緣溪冷釣船俄驚珠顆大旋見月輪圓玉露飄  
無際金蛇走獨偏仰觀烏鵲起俯矚白龍眠鶴過全無  
迹鷗飛不覺妍千村鋪瑞雪萬頃照瓊田對月增秋興

臨流感盛年誰能圖此景遍與九州傳

招隱

坐愁身易老無計可忘憂日影隨潮汐年光任去留九  
秋堪脫帽五月欲披裘壯氣徒霄漢幽懷問斗牛江山  
非易改天地實難酬論劍星辰動銜杯湍水流吟期龍  
虎嘯筆羨鬼神愁既續三清道須尋一葉舟碧山常奕  
奕綠水自悠悠鳳吹迎簫管麟踪任戲游逍遙塵外跡  
放浪海邊鷗曉日聽黃鳥清宵看玉鉤居諸忙晝夜生  
死苦蜉蝣不羨千鍾粟無求萬戶侯陰陽別冬夏鉛汞  
鍊春秋滴滴丹源水芊芊碧草洲身心無蒂芥性命孰  
虔劉物外風波息山中煙霧收得心誠泮渙離俗任尋



猶高蹈同梅福臨流樂許由光陰石內火身世水中漚  
藥就還當竊丹成或可偷我今歸隱矣爾志肯同不試  
述淮南意王孫莫浪遊

樂道

科頭林下坐把酒酌嬋娟枝轉綿蠻鳥風吹澹蕩煙桃  
開紅灼灼荷長碧田田嫩草春鋪地明霞秋映天鋤雲  
思避世栽杏欲求仙柳挂黃金縷詩敲白玉箋談元思  
故我得意逞新篇翰墨隨時積鶯花按日編不思權赫  
赫奚用腹便便舞蝶探芳逕驚鴻戲綠川心閒忘衆感  
境寂悟諸緣種菜欣逢果乘槎幸遇騫安排龍虎合檢  
點烏蛇連欲悉逍遙趣蒙莊十萬傳

泛舟卽事

風急竹蕭蕭長隄楊柳飄孤亭臨古道雙槳駕輕舸籬  
菊花初放江楓葉未凋翩翩看鷺浴潑刺見魚跳磬響  
傳僧院潮喧遇石橋倩雲張繡幄蹙浪織冰綃遠水依  
然媚遙山著意嬌忘機同海鶴寄迹類鷓鴣何處來檀  
板誰家吹洞簫朱顏雖未減白髮總難消對景增愁歎  
憑誰話寂寥呼童攜斗酒一醉賦紅蕉

蟋蟀

豳風詮變化南楚重虻孫在野迎陽伏依牀達曙喧哀  
聲驚旅客清響弔孤魂善躍隨陰類多愁動淚痕身勤  
忘晝夜心苦徹朝昏唳月顏垣下吟風獨樹根露零神



空明子詩集卷之三  
愈王木落勢如奔戴德叨珍膳銜冤怨覆盆八門嫺戰  
陣三捷見騰掀始識偏裨賤方知元帥尊收藏須保護  
調養辨寒溫圖譜西湖備長鳴似感恩

五色鳳僊花

未下丹山鳳九苞何處生托根不擇地挺幹自多情嫩  
葉爭嬌態羣芳鬪豔英日華呈瑞色芝草吐奇莖深淺  
隨時變高低傍戶明振儀同率舞矯首若長鳴似感周  
文德如懷虞舜誠柔姿生斌媚麗質善逢迎促織鳴織  
影流螢照錦坪點苔茵太膩對月境偏清百鳥過應下  
三秋開正晴何人名菊婢合侍董雙成

南映姪新居後復建倉房落成志喜

肯堂兼肯構啓後復承先共仰規模壯羣推孫子賢築  
墻高接漢開戶遠連天藻井迎雲麗花磚映日妍植槐  
還種竹疊石更疏泉詩禮千秋續簪纓百世傳曾孫多  
稼日萊子彩衣年玉樹生庭內芝蘭滿砌邊落成酬祖  
志錫類正綿綿

秋日小金山對月

一柱獨擎天龍宮浸晚煙荻飄千點雪柳噪數枝蟬忽  
見飛金鏡爭看照玉田弄晴光愈潔激浪態增妍兔窟  
經時缺蟾形片刻圓鐘聲驚客夢漁唱起鷗眠谷水傳  
淪沒由拳說變遷舉頭搔短髮撫景一茫然

附七言排律



空明子詩集卷之三  
九日偕同社諸子泛泖因登橫雲山暨小赤壁

楓坼欹斜葉半黃  
蘭橈西渡秀州塘  
琳宮遠映疎林碧  
寶塢遙分曙色蒼  
風勢激濤深殿閉  
秋容匝地野花芳  
灘頭繫纜探高閣  
竹裏逢僧引上方  
淺渚眠鷗原自得  
澄波浴鷺不高翔  
登臨四望煙微起  
嘯傲孤村興欲狂  
香噴鷲峰飄曲檻  
濤翻龍窟撼迴廊  
禪關寂歷苔痕積  
天籟霏微松韻長  
鐘鼓疑從雲外落  
尊鱸還向客中嘗  
芙蓉夾岸如臨鏡  
菊蕊緣籬似佩裳  
破浪乘風何迅速  
扣舷呼酒任徜徉  
崑岡白石嶙峋出  
橫浦青筠窈窕藏  
龍洞雲升連海嶠  
雪堂楓老映漁梁  
薜蘿斑剝晴霞麗  
瀾灩迴翔文彩彰  
隴畔兒童橫玉笛  
湖心絃管送牙樯

輕儵出水波長湛  
野鶴尋巢徑就荒  
一碧煙嵐浮玉琰  
數聲商角繞琴牀  
攀援赤壁何辭險  
指點丹崖不厭昂  
地僻何須臺戲馬  
山高寧怕路亡羊  
多情破帽猶憐我  
逐景寒花亦望鄉  
北眺羣峰涵黛色  
西瞻大澤漾銀光  
茱萸叢老人思摘  
舴艋船多網共張  
怪石亂堆樵徑仄  
幽泉斜浸藻泥香  
別開生面真丘壑  
爲賞奇峰典鷓鴣  
夕照迥銜茅舍靜  
暮煙遙引竹風涼  
持螯說劍欣同調  
把臂題詩得並行  
欸乃隔溪聲緩緩  
留連待月霧茫茫  
望迷桐乳空調謝  
時異榆錢足感傷  
三匝棲鴉驚落木  
一尊浮蟻聽寒螿  
當門枯柳殭還臥  
過耳殘砧住復揚  
處處村姑勤織紡  
微微漁火照滄浪  
私心欲躡東山屐



愛客曾聞北海觴滿飲濁醪堪玩世長歌清韻且浮航  
半窗花影侵碁局平野人家築圃塲彭澤有田惟種秫  
池塘無草不經霜畫船撾鼓誰家子繡額新妝謝氏孃  
消受景光空脉脉無邊歲月去堂堂雕蟲愧乏登高賦  
握管徒成急就章最喜秋來多勝事正堪歸去話重陽  
題糕覓句情何限共道茲行不可忘

空明子詩集卷之四

練川兄樸村先生選

華亭張

榮景樞著

游仙詩

十年煮白石一日大丹成嘯傲煙霞外珊珊骨節輕  
一葉渡滄洲三山十二樓飄然眼界濶世事等浮漚

夢中作

山水垂千古悠悠何所止水意長視山山亦長視水  
終日坐空房空房欲吾語相親已數年頭白如何處  
遙聞人語喧出郭見江水世事盡如此東流不返矣  
天涯所性反人與鳥相處鳥最怕人喧人偏愛鳥語  
石與花神談子老儂未老花亦對石言一年一度好



折得一枝花花神開口笑汝亦不逢時與我真同調  
落梅染蒼苔片片西窗下團成作繡球試打桃花馬  
流鶯捕蟬食蟬向心中憶我自任君嘗須防公子弋  
謁 先祖 贈少宰鄉賢從周公祠  
盛德誰堪擬如逢大地春栽培綿世澤俎豆合相親  
看南柯劇有感

有客無聊極臨風臥綠槐那知一枕內天地可藏哉

坐隱

青山是我友白雲是我家客欲訪幽人竹林獨煮茶

晚遊僧院

秋高天轉濶明月發清光半偈消塵障閒來到上方

客館

槐柳晚棲鴉空庭一樹花秋風吹落雁何處是吾家

秋閨

窗前秋色好窄襪印香塵最是南來雁雙飛愁殺人

侍 家嚴東臯公燈下讀書作

閉戶謝交游攤書滿案頭夜深還秉燭髮白不知秋

九日

欲探陶家菊荒園飲酒頻一時應醉倒無我亦無人  
我友翩翩至默然無一言此中多靜趣相對共開尊  
看菊何須酒攜琴亦可娛道心應有會人世夢中無  
帽向風中落花從心裏開眼前皆逆旅攜杖獨登臺



雁來如有意燕去若無情把酒憑高望秋風禾黍平  
登高閒眺望勝友雜諸昆欲證如來意還叅不二門  
楓葉經霜後嫣然一色丹小山青翠淺松竹暮秋寒  
草木變顏色秋風逐暮潮江邊無限景蓉蘂放溪橋  
淺酌茱萸酒閒看蘆荻花故人半淪沒我意欲浮槎  
登臺聊寓目一望若爲家蕩蕩江流遠風吹紅蓼斜

謁先伯父筠齋公祠

海內英雄伯規模足典型子孫俱鵲起 寵眷及幽冥

拜先叔父有芑公墓

叔也早辭世佳宅鬱松杉音容猶彷彿氣象憶巖巖

送少宰曼園大兄服闋擢少司馬還朝

李下無谿徑銓衡宿望優只今除司馬三起定三留

春日寶林庵作

把管空房內吟詩大士前老僧來戶外相對坐譚禪  
方塘春水濶落照滿空山門外東風急高僧獨閉關  
春在東風裏閒吟一啓關門前無限景斜日欲銜山  
樓高不礙月水濶獨藏雲耳畔齋鐘起依稀夢未分  
獨立江邊望東風逐布帆野花餘秀色細雨濕春衫  
露濕三春柳風開二月桃方池魚潑刺不覺雨如毛  
日脚風吹散春潮浪颭沙高原雲外望樹裏有人家  
遙望水雲亭長隄草色青夕陽茅舍晚竚立看春星  
丙子南映姪南闈報捷



空明子言集卷之四  
三  
欣聞小阮捷得志已蹉跎暗想家門內秋風鏃羽多

十綠

世事口不談看竹何由俗蕭蕭風雨寒洞門空鎖綠  
名利旣澹然一生無所欲臨窗對卷時茶點鸚鵡綠  
兀坐聽窗外聲敲鐵馬續東風昨夜來吹上一庭綠  
隨意發長吟閒步迴廊曲春意入林中枝頭幾分綠  
沙鳥見人飛爭向池塘浴涓涓水暗流波面萍浮綠  
君旣愛清閒何妨飲醞醪挑燈坐更深蟻泛杯中綠  
鳥向空山飛人當忘世局註罷黃庭經坐看苔痕綠  
梅花零落後枝頭亂飛玉惟有柳梢頭依依放新綠  
登樓望美人春情難縛束手折一枝花笑簪雲鬢綠

談心遇知己把酒夜剪燭世事等春花垂楊應又綠

壬午和叔奕山兩弟南闈同榜

兄弟今同榜雙看折桂花穿楊真不愧二俊屬吾家

塞上曲

塞上青草稀沙場飛雪泥小鳥亦知還征人歸未歸

江邊獨立

遙望夕陽開江潮去復回一時增感慨岸草亦徘徊

丙戌歲南映姪補戶部員外郎

少宰司農日曾叨寵渥重後昆能繼武不愧小司農

十寒

檢書小閣內坐德漏聲殘童子垂頭睡孤燈怯曉寒



百卉盡凋落疎梅獨倚欄皎皎明月上夜深花意寒  
握管題詩後閒庭看早蘭清香拂滿座窗外曉風寒  
但識承平樂未知關塞難黃沙一片月羣馬夜嘶寒  
勁節不善媚舉世漫相看誰識凋殘後蒼松耐歲寒  
啓簾月滿戶把酒怯衣單墻角花枝瘦詩人骨裏寒  
終日閒房坐開關聽急湍臨流一俯仰清夜月光寒  
有鳥自南至冷露濕羽翰影落空庭內一聲啼暮寒  
結社談文日更深興不闌頓令腸欲熱翻覺酒杯寒  
耕讀儒家業清貧聊自安茶香消肺病日落晚峰寒  
丁亥歲茹英弟補刑部主政  
強仕初登籍明刑敷在寬一年郎署內道路劇騰歡

過吳江

下邑苦逢迎涼波遠浸城可憐一望水不忍聽哀鳴  
邑宰善催征羣推有政聲懸知百萬戶旦晚化爲萍  
戊子巳丑得天姪聯捷

年才踰舞象英俊足相誇不獨能攀桂連看杏苑花  
庚寅歲南映姪之任桂林

五十居方面官箴屬老成去家將萬里且喜得賢名  
夏日雜咏

花隱小樓偏輕雲淡蕩天生憎湖上樹日暮咽新蟬  
赤霧障晴藍三吳坵碧潭誰將薊北雨移過大江南  
雙桂勢吞樓涼飈六月秋神仙如可學我欲拜青牛



石矗江聲脆風高日色乾閉門絕塵跡相與試龍團  
贈普姪孫

予與奕山弟及南映姪俱未有子庚寅季夏南  
映姪都門得普姪孫至九月回南見之志喜且  
幸後來者之有望也漫拈兩韻用慰老懷

兩世科名盛還期跨竈來待予生大阮同爾上金臺  
癸巳二月開科吳霑姪北闈報捷

幼孤真可憫今始一飛鳴莫漫嗟搖落相看漸有成  
送姪塔吳麟章還朝

一從辭翰苑作宰倍艱辛待得還朝日相看半百人  
接表姪周策銘手札

典試滇南日清聲到故鄉可憐未有子鬚鬢早成霜  
癸巳八月會試奕山弟中式

開科真異數且喜拔其尤又折蟾宮桂功名總在秋  
渡吳淞江

五湖愁震盪賴此得安流遙想陶唐世神功遍九州  
八載功成後民生盡奠安如何一帶水修築倍艱難  
送魯亭姪入都應試

力學靡寒暑如今又送行朱衣頭不點屈殺一書生  
歸舟

往還五百里終日打頭風猶喜晴明好全看楓葉紅  
古道經年沒牽舟路未通最愁兩岸濶飄蕩不禁風



贈介山姪

十年愁鍛羽努力且加餐似此勤攻苦鵬搏自不難

甲午鶴來姪北闈報捷

看爾成童日長鳴向九臯遡源知有本振起鳳凰毛

十月十三生子日錢介維陳含美兩壽翁先期而

至卽賜瑤章讀之勝似百朋之錫漫成一絕以

志不忘

纔報宜男信先來兩壽翁瓊瑤隨見賜搖筆疾如風

得子日作

自笑吾衰甚看書興未休生兒須待教辛苦話從頭

得子後入祠堂拜 先伯母陸太夫人 先母吳

太夫人作

丁亥歲臥病半載六月朔夢中聞南映姪得子

予往西稱賀見祠堂門首將樹旗杆入祠伯母

及先母聯坐與生時不異予與伯母道喜畢伯

母曰汝亦恭喜但見先母愀然不樂醒後尋思

其言殊未可解此時予長子年已十六幼子年

亦三歲不意是年九月喪去長子次年冬幼子

又復痘殤然後知是夢蓋不祥之徵也屢承大

嫂王太夫人屬望之切予曰丁亥六月伯母已

明言之矣必待南映姪得子後予始可冀至三

年庚寅六月南映姪果生普姪孫子是時方萌



空明子詩集卷之四  
得子之念又四年甲午十月予始得兆熊可見  
事皆前定非人力之所能爲也直敘無文用表  
靈異

神爽昭靈異先幾事果真今看叔與姪同賜石麒麟  
贈伊章姪

十畝堪棲隱行年近四旬姓名不欲顯疑是武陵人  
三巧

短褐歎不完半菽嗟難飽未甘蹴爾憐此是愚中巧  
甘受俗子欺不受狂且攪一心常湛然此是明中巧  
用我牢籠術有時直則絞引人歸正道此是巧中巧  
贈孟昭姪

早歲嚴君背號啼不忍聞只今年漸長辛苦學爲文

立志

立志步前民紛華不敢親悠悠三十載孺子遂長貧  
可否千秋事評論百世人簞瓢真足樂孔孟合相親

結廬

結廬秋水間朝夕揖青山卽此清都是何須覓大還

望江

登高天欲近放眼日初斜煙霧蒼茫裏鯨鯢吞浪花

贈陳映璿甥

魯連辭千金季布重一諾不學世上人紛紛事糟粕

附六言絕句



對荷花

不知何處飄香我愛橫塘日長但看芙蓉映水遙憐楚  
楚衣裳

看浮萍有感

莫笑楊花飄泊還能化作浮萍等閒秋風一度好爲劍  
匣留青

醉遊

天馬山邊結宇年年醉卧此君客來共登草閣日落西  
山暮雲

月上

淒淒漁火江渚獨坐草堂夜深一碧長天如洗看他月

上平林

把盞

開卷微微得意觀心寂寂忘年花枝搖動簾影把盞轉  
覺陶然



空明子詩集卷之五

練川兄樸村先生選

華亭張

榮景桓著

月下論文

良朋相對迎暉閣剪燭談文意與賒同看夜深明月上  
小窗晴影落簷花

春日

遙望晴煙眼底新東風馬足動輕塵江邊春色還無限  
一樹桃花欲媚人

池上有悟

閉戶已忘炎世界蒲團趺坐最相宜禪心恰似池中水  
月照寒潭風靜時



封門晚泊

蕭疎漁火近黃昏  
月上城頭出海門  
記得去年春盡日  
綠煙紅雨最銷魂

鄧尉梅

萬花深處白雲寒  
一片晴煙怪石攢  
對月何須更三弄  
夜涼愁傍玉闌干

光福望月

扁舟移泊百花村  
冷落詩腸酒半溫  
無限紅裙春寂寂  
夜深月上弔冰魂

靈岳偶得一截句

響屨廊空不可論  
芳踪何得尚留痕  
鷓鴣飛盡百勞去

惟見山頭石虎蹲

放鶴亭

寂寞空山亭尚存  
登臨猶足賦招魂  
仙禽放去何年返  
海燕雙雙日到門

千尺雪

一片寒山露石根  
千尋雪瀑日崩奔  
可憐猿鳥無消息  
惟有嬋娟到洞門

法螺庵

萬點梅花落寺門  
飛泉曲折似雷奔  
幽香不付遊人賞  
留與山僧印屐痕

天平山



削成奇石峙龍門特訪蓮花禮世尊杖策忽從天際落  
却疑曾卧白雲根

秋日拈上平十五韻

青帘隱約小橋東樹影蕭蕭白露中流水一池天半月  
有人看洗碧梧桐

閒房何處夜鳴鐘坐聽悠揚度晚峰灑盡英雄多少淚  
淒涼無限大夫松

風飄木葉水平江獨坐無聊倒玉缸四壁圖書供倦眼  
羲皇一枕傲南窗

柳堤初月鏡中睂蟬到秋來咽更遲螢火漸微風漸冷  
池塘獨步夜深時

綠竹丹楓繞翠微投林飛鳥自天機閒來獨向空山坐  
桂子飄香月滿衣

獨立橫塘學釣魚芙蓉香細入衣裾竿頭釣得鱸雙尾  
煮酒烹鮮快著書

最喜先生號八愚清風一榻儘堪娛門前槐柳高千尺  
人世於今有意無

竹橋茅屋隱花溪秋水平添綠草齊抱膝閒吟思往事  
午墻忽報一聲雞

溶溶月色照空齋一樹桐陰覆玉階坐卧小窗聽萬籟  
不禁秋思遶天涯

自問無心可作灰先生何事獨生哀新來忽覺精神減



庭院秋風碎綠槐  
草堂寂寂月如銀  
座有琴書未是貧  
不爛猶存三寸舌  
立談卿相更何人  
秋聲細碎不堪聞  
雨過平沙隨雁羣  
家有薄田一二頃  
從教攜杖看浮雲  
千卷詩書酒一尊  
幽蘭最喜早生蓀  
不堪秋夜銀屏冷  
風打梧桐雨打門  
芙蓉江上露溥溥  
天濶秋空夜月寒  
獨步池塘間遣悶  
疎籬低亞傍闌干  
秋江潮長水潺湲  
環繞前村一小山  
也是先生甘寂寞  
看書常是掩柴關

冬日拈下平十五韻

林塘遠眺暮雲天  
泉水悠悠去復還  
世事幾經更變過  
先生閉戶已多年  
隔池疎竹自蕭蕭  
慘慘西風起暮潮  
窗外晚來寒更劇  
詩腸還藉酒杯澆  
月下高僧門外敲  
談禪深處訂知交  
廟堂不用虛無客  
還爲先生作解嘲  
松間風過似驚濤  
兩鬢年來感二毛  
惟有狂歌堪寄興  
登樓日日醉醇醪  
晚風來處紙窓多  
天外雲開見素娥  
把酒一尊酬皓月  
相逢幾載奈愁何



空明子詩集卷之五  
四  
簾外悲風吹雪花花枝斜壓映窗紗梅偏不會趨炎熱  
堪與先生共一家

狂風日日開修篁獨步園林倚夕陽惟有夜深尤寂寞  
疎星澹月照寒塘

紅梅欲發尚含英把盞低徊玩二更最喜今年春色早  
繡屏風上一枝橫

臨窗開卷一燈青淅淅淒風獨自聽經理茶鐺清肺渴  
夜長怯冷擁圍屏

白石闌干聊自凭梅花開處潔於冰此時對景惟應醉  
斗酒還愁力不勝

有花可賞插滿頭有酒不羨萬戶侯有酒有花聊遣興

一身之外又何求

巍然松柏立千尋鳥道崎嶇向夕陰獨入深山涼世界  
欣然披髮傲冠簪

綠陰環遶九峰南天賜高僧結草庵龕火一燈供大士  
先生策杖獨相探

笑折梅花手自拈塵心却掃獨掀髯要知大道卽離處  
綠竹橋西拂酒帘

清風流韻入松杉古道疎林澹日銜試向荒山高處望  
定誰騎馬著征衫

宮詞

六宮秋夜冷天香獨坐空庭欲斷腸那得身如丹桂子



隨風飛去伴君王  
江邊有感

射潮止水箭神矣投鞭斷流氣豪哉英雄壯志百靈懼  
獨立江干幾溯洄

小山看桂次 家大人韻

花前吸盡水晶杯卒歲難逢笑口開獨坐星河拚一醉  
酒闌歌罷客方來

與君滿酌紫霞杯花影參差竹徑開庭際夜深攜杖望  
月中桂子可能來

歲朝偶題

曉起臨窗拂繡鞋宜春小苑綠生階倩郎代整湘裙帶

笑對菱花插燕釵

憂旱詞

炎風朝夕捲黃沙赤日薰天火作鴉閒却秧田多不種  
一時忙殺木綿花

近水青苗尚可耘桔槔聲裏半釵裙憐他盡日城西禱  
夜夜微涼不見雲

連歲蟲災已剝膚火雲又見困三吳天時未許尋常測  
長吏徒然罪狗屠

誰結高臺欲接天法師登座鼓鐘喧未邀甘露來峰泖  
但見書符放大龜

夜夜城頭月似銀枯苗衰草倍傷神詩翁也作憂時草



心事爭如步禱人

枯坐

閉門枯坐莫相探  
撲面風沙暗翠嵐  
江草江花俱寂寞  
譬如生不在江南  
讀易空山請息交  
一條泉水挂山坳  
衰翁病骨支離甚  
怕說秋風到柳梢

小齋即席得芝字

心閒久絕游仙夢  
今喜初逢李內芝  
誰是玉皇香案吏  
座中愁殺鄭當時  
為倩麻姑進酒卮  
看他爛醉好題詩  
深山自有長生訣  
不學東坡寄玉芝

謝亦山齋即席得玉字

南風入墻搖暗綠  
座有道士笑蠻觸  
持杯爲我邀謫仙  
曷以贈之藍田玉

馬上口占

走馬林塘曲徑幽  
感時揮涕濕輕裘  
漫誇更有長沙策  
聖代無勞草野憂

雜感

非關老去轉情親  
白首相知有幾人  
多少花前舊賓客  
春原宿草暗飛塵  
杏花含雨欲銷魂  
一樹垂垂照草門  
青鳥不來消息斷  
清尊愁悵對黃昏



梅花才落燕來初千里迢迢遠寄書未展琅函先欲哭  
知君應歎食無魚  
泛宅吳淞一釣徒幾回花底問狂夫如今寂寞空江冷  
還有當時逸興無

馬角難生又幾年何須抵死強加鞭可憐貌似王家簿  
敢有才華及仲宣

月銜花影最玲瓏蛺蝶無端入夢中應似楚魂招不得  
隨風飄蕩類飛蓬

閒愁無那苦重重似隔巫山十二峰一自襄王行雨後  
楚臺長被白雲封

不勝煙柳苦低迷那更黃鶯向晚啼路轉板橋通帶水

未知何處是花溪

春晴無日不飛觴憐殺嬌紅空斷腸我欲醉眠花底月  
隔窗微度麝蘭香

忽晴忽雨未分明一夜愁霖到五更誰道朝來春尚好  
杏花依舊笑相迎

杏花下

東風吹綠草連天紅到花枝火欲然碎錦移來爭巧笑  
可憐涼雨濕寒煙

數枝紅粉拂珠簾曾共東皇笑語甜何事昨宵風雨後  
似愁中酒病厭厭

朝來花信有何憑盡日春晴竟未能把酒對花還共笑



可能無意伴紅燈  
自別花枝已十秋  
浮生未許數閒遊  
春來不道花相覓  
如對交親話舊愁

舟行

微雲淡淡峭寒天  
獨泛扁舟坐曉煙  
紅到杏花青到柳  
幾回東望一潸然  
冷風旋透木棉裘  
花勒深寒似暮秋  
漠漠凍雲春色暗  
白頭相狎有輕鷗  
細拂春波蘆筍新  
輕煙輕雨動愁人  
孤舟有夢頻驚覺  
不許離魂傍幻塵  
舟行泗水動經年  
每望長堤意惘然  
官渡無人楊柳綠

東風吹上木蘭船

春服

脫却重裘春服更  
袂衣輕薄近人情  
可憐老子多寒態  
袖襖芒鞋合一生

杏花

恣意東風卒未休  
不堪零落滿墻頭  
杏花憐我身多病  
送與隣家一段愁

柳枝詞

步步金蓮得得嬌  
最難消受是纖腰  
不知何處行雲罷  
尚有風情折柳條  
彩鸞影裏佩珊珊  
乍見驚鴻未敢看  
遮莫高唐雲雨會



楚天煙霧白漫漫

渡江

東風倒捲浪參差好向蛟人致一詞弱質未愁填巨壑  
早聞龍女解吟詩

土孩

五銖不惹一纖塵自愧徒爲泥土身莫使無端桃梗笑  
秋風秋雨正愁人

舟次雨中望佘山

獨眠篷底望雲鬟遠浦漁歌泛艇還煙霧迷離看不見  
天然一幅米家山

一春

春來風雨少晴和韶景無端一瞬過白髮滿頭君莫笑  
此生愁緒落花多

把釣

滿目繁華一片春未曾冷落便愁人何如把釣清江月  
長伴漁磯寂寞濱

郊外

浴日綠波餘柳葉燒天紅火有桃花此行不爲尋芳樹  
獨向江頭玩物華

玉蘭花

玉琢瓊雕六出鮮唐昌觀裏憶當年一從仙女來遊後  
不數招華與集賢



牡丹無花誌感

繡牀倦倚嬾凝妝不染鉛華泣洞房却被無端桃李笑  
牡丹空自占花王

無題

不是東風分外狂裝紅點綠十分忙賺他蜂蝶閒相逐  
攪亂香閨欲斷腸  
一樹垂垂紅粉妝無情偏逗有情腸游蜂不管人憔悴  
春色銜將過短墻

桃花

門外紛紛紅落盡天桃今日始開花逢人莫漫誇先著  
留伴窗前瑪瑙茶

小齋

嬾向郊原望遠山開簾初見燕飛還深深院落無人到  
獨對桃花一樹閒

江頭

一春清夢謝浮埃偶向江頭坐碧苔綺語屏除愁總散  
落紅狼藉恨重來

四十

轉眼浮生過四十須知此後只尋常一從夢醒黃梁後  
反覺人間日月長

餘生

豈堪追憶夢魂驚二十年前病裏情白首無成君莫笑



不知今日是餘生

西湖別

一葉遙遙渡水湄  
稽山高處望中空  
可憐幾日成離別  
無復桃紅李白時

峰泖怨

生長蓬茅雅淡妝  
自憐無分見君王  
畫圖不賄毛延壽  
名姓何由達尚方

花下口占

四時獨有春光好  
每遇花開值忌辰  
莫怪對花頻下淚  
一年能得幾多春

對酒有感

有時對酒不沾唇  
非是無情別有因  
看盡春光一百六  
千紅萬紫總成塵

愁

欲將琬液鎮心忪  
觸緒紛來懊惱儂  
最是睡醒消不得  
五更風雨一聲鐘

可憐

可憐鬚鬢總成銀  
撩亂春光風雨頻  
帶醉看花君莫笑  
勝如不到白頭人

有感

天地能回萬物春  
如何還有凍饑人  
不知辜負釣陶意  
枉怨東風得苦辛



空明二言集卷之五  
三  
九弟將擴鄰房卜築別業過舍語及喜而賦此  
惠連俊秀真難匹別業還思卜築幽天地一身詩酒外  
更無餘事向人求

水閣軒窗面面通笏溪環遶綠筠籠閉門盡日聽啼鳥  
似解禪機話幻空

一盞紅螺秋夜長高樓玩月趁新涼嫦娥若解人間意  
不照離筵與斷腸

隙地栽花曲水邊秋香滿院綠陰連遊人豈許尋常到  
清悶雲林住散仙

西園杖策幾經過不道紅橋勝偃波愧我阿兄空老大  
往來花徑費吟哦

西園係十  
弟別業

咏茉莉花

夜長不寐獨臨風拂拂清香入檻中偏是炎天聲價重  
多應種出藥珠宮

早起空庭散髮行如嗔如笑更相迎捲簾試茗君知否  
無限清芬在落英

嘲杏

杏花才放一枝春幾陣東風化作塵莫是芳華工勢利  
生憎我是白衣人

怨花無計問花神爾亦何情度一春我有海棠開更豔  
可知孺子不長貧

子既喪子後忽來不入耳之言因作一絕應之



教子何須恁樣教任人埋怨任人嘲可憐讀盡書千卷  
不及來儀展九苞

互人國以白玉為城鬼不敢入有感而作  
雪作闌干粉作堆種花還種九英梅紙窗書几皆如玉  
鬼物何緣敢入來

黃父以鬼為飯

江南黃父鬼為糧聞道身纔七丈長若得盡吞諸鬼淨  
願承霧露奉為漿

宗定伯賣鬼

南陽年少逢奇鬼唾沫粘來化作羊賣得青蚨千五百  
問渠智力為誰強

人鬼相觸

如何人鬼交相觸府舍當年亦異哉豈為善人不敢犯  
傅公曾掌度支來

梁時府舍內人鬼相觸戶尚書傅昭  
至鬼戒曰傅公善人不可犯遂止

黎丘鬼

黎丘伎倆真難測父殺兒冤最可憐待得文人歸悟後  
一堆白紙哭黃泉

不及

綠葉叢中一點紅東風撩亂暗相通憐儂獨送春光去  
不及遊絲繞半空

怪石巉巖已露奇喬松翠竹又相宜憐儂一室惟愁坐  
不及閒雲任所之



夾岸薔薇吐異香碧陰簾底罨垂楊憐儂獨自臨河望  
不及鷓鴣睡草塘  
閒看哀鴻次第來推窗無意步蒼苔憐儂閱歷風塵老  
不及隨陽雙羽回

海棠

腰肢無力鬪春風似帶餘醒怨落紅一笑傾城迷下蔡  
滿腔淫思月明中

牡丹

牡丹零落一枝春千種風流讓與人虧得小庭荒寂寂  
不將顏色沒荆榛

虎丘八月十三夜步月

月影參差照畫廊清歌一曲繞虹梁山僧忒解風流事  
醉尾吳姬入道場

憶四郎

纔登虎阜便思回何事經心撥不開料得四郎應念我  
候門牽袂索泥孩

登玉峰

二十年前汗漫遊今來重訪值中秋青山向我如相問  
慚愧無成竟白頭

和陸星聚豆腐詩

堆盤恰似玉山攢托出家風一味寒到齒不須深用力  
算來只合老儒餐



尋春

爲尋春色踏春陽  
柳暗花明日正長  
自笑身非唐子畏  
未應朱戶覓秋香

半塘舟中戲贈包孝廉

鵬飛東海舊知名  
愛我新詩話二更  
古語難逢包老笑  
白公塘畔見河清

姑蘇城中

天高氣爽暮涼生  
看遍繁華在此行  
萬紫千紅滿街市  
秋風不進闔閭城

虎丘後山作

後山煙樹晚低迷  
惱殺殘鶯歷亂啼  
惟有暮愁消不得

一腔心事在關西

人間樂

千年七日竟如何  
只恐人間樂較多  
反怪仙家閒不過  
洞中祇合醉紅螺

予年未五十鬚髮盡白已丑歲有老去尚愁頭再  
黑之作今已七年黑鬚重出不勝欣喜因以誌  
異

紙窗坐老笑潛夫  
茶泛蘭香酒滿壺  
把鏡漫驚腮半黑  
問人新長數莖鬚

纔見

纔見紛紛甲帳開  
高車大馬捲塵埃  
可憐幾日虛名利



又報銘旌自北來

七夕詞

銀河爲稱月爲鈎稱盡天孫無限愁波浪不驚烏鵲渡  
但餘雙淚對牽牛

七拙詩

生頭宜俯不宜昂偏我生來若仰望生此拙頭真下相  
自應顯達讓諸郎  
博取前程口主張十分諂佞十分強可憐我口生來拙  
只解談詩與覓香  
用盡機謀使盡強損人益己姓名揚我心真箇癡頑甚  
拙到空空是故鄉

拂鬚取媚尋常事掃地迎門曷足傷何事我生偏不解  
一雙拙手袖中藏  
折腰誰不知良策久折高遷仕路長孰料吾腰折不得  
拙來疼痛更難當  
逢迎長跪全憑膝捷取功名若探囊拙膝只堪閒抱著  
長吟梁父獨徜徉  
權門奔走成豪傑不喜安閒福自康誰道拙來臨到足  
但堪躡屐看紅芳

和俞楠亭署中苦雨坐蕉園韻

捲簾四望白雲浮急雨酸風若水流深綠映窗同一色  
未曾搖落已三秋



空明子言集卷之五  
秋雨秋風綻紫萼鱸魚正美若猩脣可憐張翰東歸後  
坐聽芭蕉屬老身

和俞楠亭八月風潮狂甚庭前芭蕉楚楚可憐韻  
碧圍欄檻綠成雲中有先生坐廣文潮到海門風勢大  
亂搖蕉影落繽紛

湖水平添海長潮更兼霖雨徹中宵不堪萬卷供搖落  
陪伴垂楊鬪舞腰

震澤東流已漸涇可憎海若緊為隣狂瀾自許真堪砥  
不作隨波逐浪人

陋巷簞瓢今已矣誰知食祿清如水斜風猛雨壓芭蕉  
打破綠窗誰整理

不飲從無索酒錢巍巍門閥比僧虔他時霖雨應難免  
且向東山一晌眠

自悔

種種斑毛兩鬢生息交罵世最知名自憐才拙輸鸚鵡  
何故猖狂似禰衡

嘲蠹魚

拂拭明窗理舊編蠹魚食盡總堪憐怪他不識神仙字  
枉坐書中五十年







